
ANGMAQTIRNINGA
NUNAVUUTIM
NUTAQAT INULRAMIITLU
HIKNAQTI HAVAKVIKPUT

Nutaqqanut Inulramirnullu Uqaqtikhaanik
2015mit 2016mut UKIUQ TAMAAT UNNIUTJUTINIK



UQAQATIGILUTA

Havakvivut ikaarningit Hivulliutimit Tallimiunmut
8:qaangiqqat ublaami 5mut unnuktumut Qikiqtaalup
Ubluqhiutingatigut, umikhimayuq haalitiliqqata.

AKIITTUKKUT

1-855-449-8118

IQALUNGMI

867-975-5090

KAYUMIKTUKKUT

867-979-0444

APQUT TITIRAQVINGA

Pingahuani Natiqaqvingani, Gamutiq Igluqpinga,
Iqaluit, NU

TITIRAQVIKKUT TITIRAQVINGA

PO Box 488, Iqaluit, NU X0A 0H0

QARITAUAYAKKUT

contact@rcynu.ca

QARITAUAYAP PULAARVINGA

www.rcynu.ca

Una taiguagakhaq takuinnarialik uumani

www.rcynu.ca.

© Aadjikutaliuqtakhaungittuq apirihimaittumik
Nutaqqanut Inulramirnullu Uqaqtikhaanik Havakvikput.

ISBN

Qablunaatitit/Inuktitut - 978-1-55325-328-0

Inuinnaqtun/Uiviititit - 978-1-55325-329-7



ᓄᑕᓐᓇᓇᓇᓇ ᓄᓇᓇᓇᓇᓇᓇ

NUTAQQANUT INULRAMIRNULLU
UQAQTIKHAANIK

REPRÉSENTANT DE
L'ENFANCE ET DE LA JEUNESSE

REPRESENTATIVE FOR
CHILDREN AND YOUTH



Piksaliuqtangit

Una Ukiuq Tamaat Unniutjutinik atuqtuq piksanik piksaliurhimayuniklu RCY-tkut havaktinginnit aadlatlu ayuittiaqtut piksaliulihaaliqtunitlu piksaliuyuktunit.
Piksat innikkuuqtut ayuittiaqtunit piksaliulihaaliqtunitlu naunaqhimayut piksamik quyagiyaudjutilikmik.



ᓄᑕᓐᓇᓄᑦ ᓄᓐᓇᓄᑦ
ᓄᓐᓇᓄᑦ

NUTAQQANUT INULRAMIRNULLU
UQAQTIKHAANIK

REPRÉSENTANT DE
L'ENFANCE ET DE LA JEUNESSE

REPRESENTATIVE FOR
CHILDREN AND YOUTH

Qiqaiyarluarviani 24, 2017


Nan'ngariyauyuq George Qulaut
Uqaqtittiyii Maligaliurvikmut
PO Box 1200
Iqaluit, NU, X0A OH0

Halu Uqaqtittiyii:

Quviahuktunga tunigiami tamna *2015mit 2016mut Ukiuq Tamaat Unniutjutinik ukunanik Nutaqqanut Inulramirnullu Uqaqtikhaanik* Maligaliurvinganut Nunavunmut. Una titiraq naunaiyaqtaa Qitiqauyaqviani 1, 2015mit Qiqaiyarviani 31, 2016mut. Una titiraq piliurhimayuq malikhugu titiraqhimaninnganut 35(1) uumannga *Nutaqqanut Inulramirnullu Uqaqtikhaanik Maligaq*.

Pittiarnikkut,

Sherry McNeil-Mulak
Nutaqqanut Inulramirnullu Uqaqtikhaanik
Nunanganik Nunavut



Havaakhijutauyuq:

Inmikkuuqtugut Nutaqat Inulramiitlu Hiknaqti

Havakvikput naunaiqtaa

Nunavut Kavamanga ikayuutingit
hapummiutiplugit ihumagiyauyut
aliagiyanginniklu nukaqhiuyut Nunavummiut.



ILUANI ITTUT

Uqaqtakhanga Uqaqtikhaanik	1
Uumuuna Havakvikput	2
Pitquyautivut, Havaakhijutauyuq unalu Tautuktuuyaqaqtauyuq	2
Kinauvita.....	3
Kitut Naunaiqtitaatigut	4
Huliyugut	6
Apirhuutigiinaqtut Apirhuutit	10
Inuit inujuhiini atuqniqaqtut Havaavullu.....	12
2015mit 2016mut: Angmaqtirninnga Nunavuutim Nutaqat Inulramiitlu Hiknaqti Havakvikput	15
Ihumagilluaqlugu Tunngavikput	16
Ihumagilluaqlugu Piliuriami Piqatigiikniqmik.....	21
Ihumagilluaqlugu Hiknaqti.....	27
Qiniqtuq Hivumut uumunnga 2016mit-2017mut	36
Titiraqhimayut Uqarahuat, Katimadjutikhat, Nunallaanut Pulaarahuat	37
Maniitigut Taiguagakhaq	38



“Uqarumayara uqariiyarhimmaaqtara aturiamni
havaara piliuriami quulitqiamik aulapkaiyumik,
ikayuutauyumik Havakvikput inulramiitut
Nunavummiut; atauhiq havakniaqtuq qayagittiaqtumik
aadlanguriami nutaqap ihumaqhutingit
nuna nunavunmi naunaiqlugulu aliagiyanginnik
inulramiit pimmariktumik piyauyut
ihumaqhutingitlu ikayuqtauyut.”

Sherry McNeil-Mulak
Nutaqqanut Inulramirnullu Uqaqtikhaanik



UQAQTAKHANGA UQAQTIKHAANIK



Taiguagakhaq Uqaqtikhaanik

2015mit 2016mut maniliurniqmut ukiunga akhuurutauyuq ukununga Nunavuutim Nutaqqanut Inulramirnullu Uqaqtikhaanik (RCY) Havakvikput. Apitilrviani 30, 2015mi, qitiqquliqmat maniliurniqmut ukiunga, amigaininnga *Nutaqqanut Inulramirnullu Uqaqtikhaanik Maliganga* atuliqtitauliqtuq unalu, qaffinik tatqirhiutinik piliuqtakmat, havakvikput ilitariyaayumik angmaqtuq havaliriamiknik ukununga Nunavuutim nutaqqangit, inulramiingillu ilangillu. Ilihimmattiaqtunga ihumagiyanig angiumiklu ilihimaliqtut munarininnga havaqatigiikput atuqtait talvani ublungani!

Tunnngavinga piliuqtavut pitillugu Havakvikput piliurninnga qilaminnaaq uuktuutigiyayuuq angmaqtirilrapta taimaa qaikmat hivulliqpaapiavut ikayuqtauyumayuuq inmikkuuqtumut Hiknaqti ikayuutikhaq. Piliuqtuq inmikkuuqtuq Hiknaqti pinahuarut ittuq akhuurutauyuq hivullitutigiyakhaq havaqatigiipitknut quviahuktugullu ilihimagiami, talvani angmaqtinnaptitku havakvikput, piqaqtugut nakuuqpiqaqtumik pinahuarut talvani.

Havakvikput angmaqtigtuuq 41 inmikkuuqtuq Hiknaqti titiqqat taimaa naittumik 6nik tatqirhiutinik angmaqtirapta uumanilu Qiqaiyarviani 31, 2016mi. Havaaptigut hapkuat titiqqat, takuyugut atuqtaunginnaqtunik ihumaliurutauyut nuiliqtut ayuiliqtugullu ayurhautikkut uqaqtayut Nunavut Kavamatkut havaanginnik unalu pinahuarutingit nutaqqanut inulramiingillu. Taimaa, hivulliqpaavut Hiknaqti havaanga hakugiktitauyuq amigaittullu ihumaalutigiyayuuq Inuit nutaqqangit, inulramiingillu ilangillu atuqtait ublumi akhuraaluk tunnngaviqaqtut qangarnitamit, una kaanatap kavamanga maliganga ilaliutiniq – piliurninnga aulapkaininngalu aullaqtitahimaplutik ahinut ilihariaqhimayut ittuq qitqani ilanga taimaittumik maligamik 1. Naunaiqtugullu inulramiit inuuhingit ayurnaqttaqtuq. Una, ayurhautivallaqtuq ilaani, mikkautillugit. Pikmat uumannga, inulramiit ilaani ikayuqtauyumavaktut amigaittunit kavamatkunni havakvinginnit unalu ikayuutikhaq nakuuqpiqaqtumik piyayukhaq nakuuyumik ikayuriami inulramiup qaangiutiyuq ihariagininngit piliurlunilu nakuuyumik apqut hivumut. Mamianaugaluaq, naunaiqtugullu tamaat una qanuraaluutinga ayuitaminik ingittuq Nunavut Kavamatkunni. Naunaiqtugullu piqalluanguinmat ikayuutikhanik ittut Nunavunmi ikayuriami nakurudjutingit ihumaqhutingitlu ukuat inulramiit ilangillu.

Nuutiqtuq 2016mit 2017mut, tigumiaqtaqqut tamaat ilihimaniq hivumut. Naunaipkarniaqtaa ihuarhigiamilu havaavut taimaa havakvikput angikliyummiqtillugu aadlanguqtillugulu. Uqariikhimmaaqtaqtugullu naunaipkariaptikni havakvikput nutaqqatlu ihumaqhutingit. Atauhiyuq hakugitqiyayuuq qanuriliurutikhaq havakvikput aadlatqianguttaqtuq ukunuuna aadlanut uqaruptigut naunaitkutunik ukununga inulramiit ilangillu ihumaqhutinginnik naunaiyarlugit inmiknik-Hiknaqti. Ihumagiunga piqangittuq piyunnautittiyuq talvanga nutaraq kangirhigaangata ihumaqhutinginnik atuliqtilihugu tamna ilihimaniq ikayuutautikhaanik.

Tamna ihumagitillugu, uqarumayara akhuuqtumik uqariiyahimayumik aturiami havaara piliuriami akhuraaluk aulapkaiyumik, ikayuutauyumik Havakvikput inulramiinut Nunavummiut; atauhiyuq havakniaqtuq qayagittiaqtumik aadlanguriami nutaqap ihumaqhutingit nunanga nunavunmi naunaiqtaalu aliagiyamiknik inulramiit pimmariktumik piyut unalu ihumaqhutinginnik ikayuqtauyut.

Pittiarnikkut,

Sherry McNeil-Mulak
Nutaqqanut Inulramirnullu Uqaqtikhaanik

¹ Itquumanikkut Nutaanguqtiriniqlu Havaktinga Kaanatumut (2015). *Itqumaplugu Itquumaninnga Atauttimuqtuq Hivunikhmut. Naittuq Kingulliqpaanga Taiguagakhaq ukunanut Itquumanikkut Nutaanguqtiriniqlu Havaktinga Kaanatumut.*

HAVAKVIKPUT

Nutaqqanut Inulramirnullu Uqaqtikhaanik Havakvikput nutaannuaq timiqutigiyauyuq Nunavunmi. Maligaaq piliuqtaa RCY-tkut Havakvinganik, *Nutaqqanut Inulramirnullu Uqaqtikhaanik (RCY) Maliganga*, angiqtauyuuq Apitilirviani 2013; Nunavuutim hivulliqpaaq Uqaqtikhaanik, Sherry McNeil-Mulak, tikkuuqtauyuuq Imaruqtirviani 2014; unalu Havakvikput angmaqtauyuuq Apitilirviani 2015, taimaa 15nik-tatqirhiutinik piliurninnganit.

Taimaa Havakvikput nutaangulihaaqtilluni, ihumaliurninngalu ukuat nutaraq ihumaqhutingit ilitariyauyuqlu nutaraq Hiknaqti nutaanguyullu Nunavunmut, amigaittut Nunavummiut apirhuutilgit humik havakvikput piyuq, qanuqtullu ikayurniaqqigu nunapta inulramiingit. Uumani titiraqhimaniingani, tuniyugut ilanganik ayurnaittunik naunaitkutaq havakviptiknut ihumgipluta naunaiqtaa havakvikput havaanga unalu amigaittut qanuqtut ikayuqtaaqtaavut nutaqqangit ukuallu inulramiingillu.

Tadjannuaq uqaqtara, RCY-tkut Havakvinga inmikkuuqtuq Havakvikput Nunavuutim Maligaliurvinganik akhuuqtuq naunairiami ihumagiyaayut inulramiit Nunavummiut pimmariktumik piyaayut. Piqaqtugut maligatigut pitquyauyut ikayuriami aliagiyanganik ihumaqhutingitlu ikayuriamilu Maligaliurvinga naunairiami ihariaginngit piyait. Taimaa, havaktugut pitqutigiquplugit nutaqqangit inulramiingillu ukiuqaqtut 18nik ataanilluuniit. Kihimi, RCY Maliganga havaktipkaiyaatigut inulramiitut ukiulik 25nik ihuaqtumik qanuriliurutilik.

PITQUYAUYUT

Pitquyautivut ilaliutiyait hapkuat ihuaqtut havaat naunaiqhimayuuq uumani RCY Maliganga.

- * Naunaiqlugu nutaqqangit inulramiup ihumaqhutingit aliagiyanginniklu (inmikkuuqtumik atauttimullu) hapummiutihimayut hivumuuqtuqlu tamnal kavamatkunni havakvingit unalu tikuaqtauhimayuuq timiqutigiyangit2 tuhaayait ihumagiyaillu tautuktaminik nutaqqat inulramiingillu hunavaluknik ayurhautipkaiyaanik.

HAVAAKHIJUTAUYUQ

Inmikkuuqtugut Nutaqat Inulramiitlu Hiknaqti Havakvikput naunaiqtaa Nunavut Kavamanga ikayuutingit hapummiutiyaillu ihumagiyaayut aliagiyanginniklu inulramiit Nunavummiut.



TAUTUKTUUYAQTAYUQ

Tamaita nutaqqangit inulramiingillu Nunavunmi ilihimalugit pittaarningit, quviagilugit kinauyaakhaangit ihumagilugulu ikayuqtauyuuq piyunnautiyauyuqlu uqariamiknik takuyangit qanuriliurutinginnut ayurhaqtitainnik.

- * Naunaiqlugu nutaqqangit inulramiingillu piinarialik kavamatkunni ikayuutinginnit tamnal kavamatkunni ihumagiyaat ihumaalutigiyanginnik tahapkuninnga ikayuutinginnit.
- * Ikayuqlugit nutaqqangit, inulramiingillu ilangillu uqaqtatigiyuuq kavamatkunni ikayuqtiyut tuniqhaiyut ihuarhigiami kangirhigiami inmiknut.
- * Naunaiqkarlugit inungit uuminnga ihumagiyaayut aliagiyanginniklu nutaqqat inulramiingillu unalu havaanga Havakviup.
- * Tuniluni ikayuutikhamiknik pitquyautiniklu kavamatkunni qanuqtut piliuriami pinahuarutingit, ikayuutinginnit, maligat maligangillu nakuutqiamik nutaqqanut inulramiingillu.

2 « Tikuaqtauhimayuuq ayuuttiaqtuq timiqutigiyauyuq, katimayingit, havaktinga, kuapuriisingat, Havakvikput aadlatluuniit timiqutigiyangit attiqhimayuuq naunaiqhimayuuqluuniit RCY Maliganganik. Ihuarninnganut, una tainiinnaa "kavamatkunni havakvinga" takunnaqtuq tamainni uumani Ukiuq Tamaat Unniutjutinik pipkaidjutigiami tamarmik tainiit.

KINAUVITA


Nutaqqanut Inulramirnnullu Uqaqtikhaanik hivuliqtitait RCY-tkut Havakvingani, munariyut ilaayut 8nguyut havaktut havaamikmini. Tamarmik ilaayut havaktiptikni tuniyuq aadlatqiittumik inmiknik ayuittiaqtumiklu ayuitamiknik Havakvikmut, aadlamut uqaqtilluni akhuuqtumik nutaqqanut ihumaqhutingit uumunngalu Hiknaqti.

Kihimi una Uqaqtikhaanik, havaktivut ilaayut uumunnga inungit havaangit naunaittuq uumani inungit *Havaamut Maligaq*. Piksanga 1 naunaiqtaa Havakvikput havangit unalu havakvium naunaitkutingit timiqutigiyangit. Qiqaiyarviani 31, 2016, RCY-tkut Havakvingani inuktihimayait tamaita havaangit, kihimi tamna aanirutauluaqtuq tuqutauyullu Ilitquhaiyiluag. Takuinnarialiuyutit amigaittunik naunaitkutaq havaktittiniqmut havauhikhami 2015mit 2016mut uumani titiraup Ihumagilluaqlugu Tunngavikput titiraqhimaninnga.



Nutaqqanut Inulramirnnullu Uqaqtikhaanik havaktingit Iqalungmi.

RCY HAVAKVIUM NAUNAITKUTINGIT NAUNAITKUTAQ



PIKSANGA 1: HAVAKVIUM NAUNAITKUTINGIT NAUNAITKUTAQ

KITUT NAUNAIQTITAATIGUT

Akhuurutauyuq titiqqangit unalu ihumaliurningit naunaiyaqtait havaktivut Hiknaqti havaanginni. Hapkuat ilaliutyut RCY Maliganga, Hilaqyuami *Katimaqyuaqtit Agiqatiriigut Ihumaqhutainik Nutaqap (CRC)*, Inuit inujuhiini atuqniqaqtut, nipinga nutarap unalu kaanatami Hiknaqti maliktakhangit.

NUTAQQANUT INULRAMIRNULLU UQAQTIKHAANIK (RCY) MALIGAQ

Nunavuutim *RCY Maliganga* maligauyuq ilitariyait Havakvikput havaat, munariyakhangit tamaallu pitquyauyut. Naunaiqtaalu akhuurutauyuq maligangit naunaiyaqtait RCY-mi havaktingit havaamikmini. Angiqtauyuq 2013mi tamaitalu ilangit atuliqtitauliqtut-una kihimi ilangani 4(1)b3, atuliqtitaniaqtuq qakugu.

HILAQYUAMI KATIMAQYUAQTIT AGIQATIRIIGUT IHUMAQHUTAINIK NUTAQAP (CRC)

Tamna *CRC* ittuq iluani kaanatami agiqatiriigut ilitariyait nutaraq ihumaqhutingit ilitariyait nunanit tamainni nunaryuaptikni, unalu havaangit unalu munariyakhangit kavamatkut inirniillu ikayuqtut hapkuat ihumaqhutingit. Nutaraq ihumaqhutingit ihariagiyaayut hunavaluit tamaita nutaqqangit piinarialik taimaa ikayuriamiknik nutaqqangit inuugiamiknik inmiknik ihumagilutik angikliyuumiriamiklu. Kaanata sainiqtaa agiqatiriigut 1991mi.

INUIT INUJUHIINI ATUQNIQAQTUT

RCY Maliganga naunaittaqtumik uqaqtaa Uqaqtikhaanik piyakhaq Inuit inujuhiini atuqniqaqtut havaarigiami Havakvikput havaaq. RCY-tkut Havakvingani maliktaa aadjikutaat 8nguyut naunaipkaidjutauyuq quviagilugit tamna Nunavut Kavamanga piyait. Takulugu "Inuit inujuhiini atuqniqaqtut Havaavullu" titiraqhimaningna una titiraq amihunik naunaitkutaq.

3 Una titiraqhimaningna RCY-mit Maliganga piyuq unipkaanganut hivituyunik aaniqtut tuquyunullu.

NIPINGA NUTARAP

Akhuurutauyuq pilaarutingit *CRC-mi* nutaqqaup pilaarutingit naunaipkariamiknik hunavaluknik ayurhautipkaidjutigiyanginnik. Una havakvikput taivagaa nipinga nutarap. *CRC-kut* uqaqtaalu kavamatkut ihumagiyakhait nutaraup ihumagiyanganik, piyuq nutaraup ukiunga arnaruhingurumilu. Nipinga nutarap naunaiyaqtangit havakviup havaanga ubluq tamaat.

KAANATAMI HIKNAQTI MALIKTAKHANGIT

Kanatami Katimayit Nutaqanik Inulramiqniklu Hiqnaqtit (CCCYA) piliuqtait kaanatami Hiknaqti maliktakhangit nutaqqanut ikayuutikhat maligiami havaamikmini. Hapkuat maliktakhangit pivagait ukunatitut angiagiyaayut, piinarialaqihimayuq kiuttaarninngalu. Ikayuqtut pihimagiami ikayuutikhat kiuttaarniqmik mikitqiamut qanuraaluutinga havaamik tunigiamilu qanuqtut naunaiyariami havakvikput Hiknaqti ikayuutinginnit.



Christa Kunuk katimayut inulramiitut Kinngainmi.

“Atauhiq hakugitqianguyuq qanuqtut
havakvikput aadlanguqtitaqtut aadlanut uqarumi
naunaitkutanik inulramiitut ilangillu uuminnga
ihumaqhutinginnik ikayurlugillu inminik -Hiknaqti.
Ihumagiunga piqangittuq piyunnautiyuq talvanga taimaa
nutaraq kangirhigaangat ihumaqhutinginnik pihimayaalu
ilihimaniq ikayuriami inmiknut.”

Sherry McNeil-Mulak
Nutaqqanut Inulramimullu Uqaqtikhaanik.



HULIYUGUT

Havakvikput havaktuq hitamani ikayuutikhami: inmikkuuqtuq Hiknaqti, Atuqtunik Hiknaqti, unipkaalu hivituyut aaniqtauyut tuquyullu tuhaqtipkainiqlu unalu Inuit Qauyimayaagani. Tuniluni una hivituyuq pitquyauyut, 2015mit 2016mut aturhimmaaqtuqut ilauyuq-iluani qanuriliurutinga iliurariaptikni qitqani ikayuutivut – hivulliqpaami ihumagilluaqlugu piliuqtuq angmaqtiqlugulu Havakvikput inmikkuuqtuq Hiknaqti unalu Inuit Qauyimayaagani havaangit. Hapkuat tuniyait naittumik naunaitkutaq ikayuutinginnik tuniyavut.

INMIKKUUQTUQ HIKNAQTI

GN-kut tunivaktut amigaittut pinahuarutingit uuminngalu ikayuutinginnit ikayuriami nutaqqangit inulramiingillu. Kihimi, humaangittuq nakuutqiaq tikinnahuaqtangit, ayurhaqtitaunginnarialik. Nutaraq, inulramiingillu ilangilluunniit ilihimalimaittut kimut uqaqatigiamikni uuminnga pinahuarut qanurunaqtaaqtuqulluunniit apirhigiami ukununnga ikayuqtiuyut tuniqhaiyut. Ikayuqtiuyut hivayaffaangitkumi angayuqqaap hivayaralarumi hivayainnalirumiluunniit talvanngaluunniit piyakhat, uqariyaqtamiknik. Inulramiingillu munariyauyut kangirhingitkumi huuq pulaalimaittuq ilamiknut. Taimaittuni ayurhautiuyut, havakvikput tunittaaqtuq inmikkuuqtuq Hiknaqti ikayuutikhamik, tuniluni naunaitkutamik, ikayuqtuq inmikkut-Hiknaqti, unaluunniit Hiknaqti nutqaqtittainahuaqniq.

TUNILUNI NAUNAITKUTAQ

Nunavummiut uqaqatigiinaqtaaqtavut havakvikput naunaitkutamik nutaranut ihumaqhutingit unalu/unaluunniit kavamatkunnit ikayuutinginnit unalu pinahuarutingit ikayuqtut nutaqqangit inulramiingillu. Piguptalu apirhuutimik piyuq hilataanut pitquyautivut, ikayuinnaqtavut ikayuqtauyumayut inukmut ikayuutimulluunniit tunittaaqtuq ihariagiyauyut naunaitkutaq.

INMIKNIK-HIKNAQTI IKAYUUTIKHAQ

Ayrnainnaangittuq nutaramut ihumaaluktunulluunniit angayuqqaat munaqtingilluunniit uqariamikni qanuqtut ihumagiyanginnik kavamatkunnit ikayuqtiuyut tuniqhaiyut. Qanuqtut Hiknaqti havaanga, havaktivut ikayuqtaaqtuq inmikkuuqtuq uumani inmiknik-Hiknaqti, taimaa pipkaidjutigiya naunaiqtitaa ihumagiyamiknik.

HIKNAQTI NUTQAQTITAUNAHUARNIQ

Amigaittut havaakhat piyut havakviptiknut ilaliutiyuq Hiknaqti nutqaqtitaunahuarniq. Una atauhiq Nutaqat Inulramiitlu Hiknaqti Ayugituqs havaktuq nutaqqamut uuminngalu kavamatkunnit ikayuqtinga ihuarhigiami ayurhauinganik. Kavamatkunnit ikayuqtinga ukuat ittaaqtuq sikuuqtittii, munarhi, ihumamitinginnut ayurhauitigil ikayuqtinga, inuuliriyii, itiqtaungittut ihuinaalimaitkumik havaktinga –inmikkuuqtuq havaktuq GN-kunnit tuniyuq kavamatkunnit ikayuutinginnik uumunngaluunniit pinahuarut nutaqqanut inulramiinnulluunniit.

Ihuarhittaaqtugut ilanganik ihumaalutigiyauyunik qaffinik ublunik Santinikluunniit, aadlat piniaqtumi qaffinik tatqirhiutinik ilaulunilu qaffinik ikayuqtiuyut tuniqhaiyut amigaittunit havakviinut. Taimaa, Hiknaqti nutqaqtitaunahuarniq ilaliutiyait havakluni uumunnga ikayuqtiuyut tuniqhaiyut, katimadjutikhat nutaraqmut inulramiimulluunniit angayuqqaangilluunniit munaqtinganulluunniit havaamutlu katimaniq. Pittaarumi, nipinga nutarap hivuliqtigiya Hiknaqti nutqaqtitaunahuarniq.

Tamaita inmikkuuqtuq havaat tuniyauyut havakviptiknut ihumagiyakhaa aadlatqiittuq ihuarhiyaqqullu kiudjutivut pigiami tamaita havaap qanurittaakhaanik. Tamna uqaqtauyuq, tamaita inmikkuuqtuq Hiknaqti havaangit ilautivaktuq pingahunik pipkaidjutiyuq atuqtauninngit: Itiqpaliayunik Naunaiyaiyi havaangalu, ihivriunniq ayurhautimik ihuarhainiq, ihuarhaidjut talvanngaanillu piyakhat (Piksanga 2).

Itiqpaliayunik Naunaiyaiyi Havaakhaqlu

- * Inulramiingillu, angayuqqaangit, munaqtingit, ikayuqtinga, nunagiyarnit inukluuniit uvaptingnungauvaktuq ikayuqtaugumapluni.
- * Naunaiyaqpaktavut tamna ihumaaluutingit piyuq havaariyakhaptiknut.
- * Pikpat, tunivaktavut Nutaqat Inulramiitlu Hiknaqti Ayugituq ihuarhiyakhaanik.

Ihivriuqniq Ayurhautinginniklu Ihuarhainiq

Hiknaqti Ayugituq:

- * Naunaiyaqtuq nutaraq inuulramiiqluuniit ayurhautinganik kitullu ihumaqhutingit ahiruqtauliqtut.
- * Apirhuqtuq inungnik ilaupkaiyut unalu unipkaalu ihuaqtuq titiqqangit naunaiyariami qanuriliurutinganik.
- * Havaktuq nutaraqmut inulramiimulluuniit, ilamiknut unalu ikayuqtiuyut tuniqhaiyut piliuriami Hiknaqti ihumaliurutikhamik naunaiyariami havaakhaq ihuarhaidjutikhamik.

Ihuarhaidjut Talvanngalu Piyakhaq

- * Tamna ikayuriami talvanga piyuq naunairiami ihuarhaidjutikhaa iliuraqtauyuuq unalu nutaraup ihumaqhutingit ikayuqtauyuuq.
- * Ihuqqat, tamna ikayuriami naunaiqtitaa Atuqtunik Ihivriuqtiuyuuq/Ilitquhaiyiluaq piqaqtuq pittaarninngit Atuqtunik ihumaaluut.

ATUQTUNIK HIKNAQTI

Ilaani amigaittut inulramiit atuqpagait aadjikutaanik ihumaalutinganik. Taimaitkaangat, taivaqqut tamna "Atuqtunik." Taimaa, Atuqtunik ihumaalutingit ayurhaqtitait amigaittut nutaqqangit inulramiingilluuniit, pivaktuq taimaa kavamatkunnit maligangit ikayuutingilluuniit havaguknairaanga, piqarumiluuniit nakuuyumik piffaarniaqtuq ihuarhingitkumi ihariaginaqtuq kavamatkunnit aadlanguriami maligangit, atuqtamiknnik maligalluuniit.

Atuqtunik ihumaalutingit havakvingmungauginnarialik piyakhagit amigaittut qanuqtut. Havaktivut takuniaruknaqhiyait aadjikutaq ihumaalut ittuq piffaaqtuq aadlatqiimi inmikkuuqtuq havaangit talvannga naunaiyarlugit aadlamut ihivriurutigiyakhanganik. Maligaliuqtiit unaluuniit inulramiingillu ministangit uqarniaruknaqhiut ihumaalutimik Nunavuutim maligaliurvingani. Tuhaqtipkaidjutiuyut tunittaaqtuq ihumaalutimik inuknut tuhaayakhaanik. Inulramiit inirniillu uqaqatigiinarialgit havakvikput talvunga uumunnga Atuqtunik ihumaalutigiyamiknik uqarumayanginnik ihuarhiyakhaptiknik.

Taimaa havakvikput ilihimaliqqata Atuqtunik ihumaalutimik, ihivriurumaguptigu ihivriurqniaqqavut. Una pittaaqtavut ilitariyaungittumik ilitariyumikluuniit. Iilitariyaungittumik Atuqtunik Hiknaqti atuinnaqtaa uqaqatigiikniq havaqatigiikniqlu tunigiami aadlangurninnganik. Iilitariyauyut Atuqtunik havaaq akhuurutaumalluaqtuq pipkaidjutivaktuq titiraqhimayunik taiguagakhat ukununnga kavamatkunnit havakvingit. Havakvikput piinarialik tunigiami hapkuat taiguagakhat inungnut.



RCY-mi havaktingit Havakviptikni hivulliqpaangit havaktut katimayut.

UNIPKAALU HIVITUYUT AANIQTAUYUT TUQUYULLU

Havakvikput ihivriuqtaaqtaalu taimaa nutaraqmut inulramiimulluuniit piyuq kavamatkunnit ikayuutinginnit tuqgumi aturumiluuniit akhuraaluk aaniqqat. Hapkuat unipkaalu tuniyuq akhuurutauyuq pivikhaqautinik ayuiriamiknik ihuittumik piyanginnik. Pingittut aadlamut uqaqtuq ihuinaaqtut. Kihimi, pivikhaqautiuyut kangirhiriami kitut ihuittumik piyut aadlanguriamilu pittailinahuariami aadjikutaanik piyut hivuniqmi.

Iilitariyavut hapkuat unipkaalu akhuraaluk qayagiyauyut. Ihariagiuyut ihuaqtumik ilihimaniq aktikkulaangalu pigiami ihuaqtumik. Talvuuna, tadjia piliuligtugut una pinahuarut ihumagilluaqlugit munarilugillu ilanganilu RCY-mit Maliganga piyut uumunnga unipkaalu hivituyut aaniqtauyut Tuquyullu atuliqitaungittuq.

UQAQATIGIKNIQ UKUALLU INUIT QAUYIMAYAAGANI

RCY-tkut Havakvingani maligalik havaakhaq naunaipkariami Nunavummiut ilihimayakhaanik nutaraq ihumaqhutingit unalu Havakvikput pitquyauyut. Kihimi aadjikutaanik akhuurutauyuq una pivikhaqautinik una havaavut piliuqtuq naalagiami Nunavummiut ayuiriamilu talvanganit uuminnga ihumaalutingit ayurhaqtitait inulramiit.

Inuit Qauyimayaagani havaavut pivaktuq amigaittunnik qanurittaakhaanik: katimapkaiyumik tuhaqtipkainiq, naunaitkutaq katimaniq, Nunallaani ikayurniq, akimadjutikhat, piliuqtuq naunaitkutaq titiqqanik, ilauqatauluni inuit hulilukaaliraikpata unalu munarilugu Havakviup qaritauyakkut pulaarvinganik (www.rcynu.ca). Tamaita hapkuat hulilukaarutit atuqtut atahuiqmik tikinnahuarutimik: piliuriami hakugiktinnahuaqhugulu piqatigiikniq nutaqqanut, inulramiinut, ilangillu unalu amigaittut Nunavummiut pipkaidjutauyut nunaptikni inulramiit.



Kinaliqaak Uqaqatigumitku Havakvikput

Jeff Kheraj

Itiqpaliayunik Naunaiyaiyi Ayugituq

Akhuraaluk ukpiriyatka ikayuriami inungnik, akhkuurutaupiaqtuq quviagiyaayut uvamnut, iglumni havakvimnilu. Uvamnut, atauhiuyuq akhuurutauyuq havagaangamat inungnut, katimaqatigiplugit, hivayautikkut, qaritauyakkutluuniit titiraqlugu, naunairiami qanurunaangittut naamaktullu. Taimaa kinaliqaak hivulliqpaami uqaqatigumitkut havakvikput, irhinaittumik pivaktunga pimmariktumiklu.

Ilihimapkaqpaktatkalu hamani ittunga ikayuriami havaqatigiamiklu atauttimuuqtumik tikinnahuarutikhanganik naunairiami tamna nutaraq inuulramiiqluuniit ihumaqhutingit pimmariktumik piyaayut.

Mikumik pilik qilamiuqtumik qinirhiayara taimaa kinaliqaak qaigumik uvaptiknut. Hivulliqpaami talvungalu ihariagikpat qilamiuqtumik ikayuutikhamik qilamiuqtuqaqqat havaamit Paliihimatut, taakti munarhiluuniit, unaluuniit nutaqqanik hapummiutiyut ikayuutinginnit.

Katitiqpaktungalu ilanginnik ayurnaittut naunaitkutaq apiriplunga ayurnaittunik apirhuutinik. Kinauyut? Humi ittut? Qanuqtut uqaqatiginiqaqqitka? Huuq qaiyut uvaptiknut? Apiriluni hapkukat apirhuutingit ikayuqtuq uvamnut naunairiami ilangit ukpiriyayut taimaalu havaanga piyuq uumani pitquyautivut. Ikayuqtaalu Nutaqqavut Inulramiitlu Hiknaqti Ayugituq taimaa pigaangamitku havaaq.

Taimaa havaaq pikmat uumani pitquyautivut pingitpalluuniit, naalainnaqtatka tuniplugillu ikayuutikhanginnik. Ihumagiinaqtara inungit anivaktut hamanga qayangnaittumik tuhaqtauhimayumiklu.



APIRHUUTIGIINAQTUT APIRHUUTIT

Humi ittutit?

Qaangani pingahuani natiqaqviki uumani First Nations Maniqarvingani uumani "Four Corners" Iqalungmi. Iqalungmiitkuvit, tiituriadjavutit!

Kitumi kavamatkunnit havakviimitpit?
Kina Ministariyat?

RCY-tkut Havakvingani inmikkuuqtuq kavamatkunnit talvuuna uqariaqtuyuitugut ministamut. Kihimi, uqariaqtuqaktugut tamainnut maligaliuqtuyut Maligaliurvikmi.

Ihariagivinga angayuqqaap
angirutinganik
takuyaquriaptikni nutaraq
iliknut?

Nakuugilluaqtaqut ilaliutyut ilagiiktut Hiknaqti havaanga pittaqqat kihimi angayuqqaangit angirutinganik ihariagiyaungittuq takuyaquliruptitku havakvikput. Kihimi, taimaa nutaraq ataaniit 12mit ukiuqqaqat naunaipkaqtakhaqut nutaqqap angayuqqaangit munaqtinganikluuniit. Taimaliuqaktugut ilihimagupta aaniqtaulimaittuq nutaraqmut.

Taimainmat nutararaq
piqaqtuq ihumaqhutingit
imaatut piva hulumagumi
huliinnaqtaqtuq?

Imannaq. CRC-kut tamaat ilitariyait akhuurutinga havaanga angayuqqaangit piyait nutaqqiqigiamikni naunaiyailunilu nutaqqangit inirningurumik. Kihimi akhuurutauyuq pilaarutingit una nutaqqangit inulramiingillu aadlanut uqainnarialik hummik ihumayut uuminnga ihumaliuqtamiknik ayurhautiyaanik. Imaatut ingittuq tamna nutaraq inulramiiqluuniit piniqaqtait hunavaluit piumayanginnik.

Angmaqtiginaqqihi
Havakvikmik
nunamni?

Havakvikput ittuq Iqalungmi kihimi ikayuinnariaqaktugut kimik Nunavunmi hivayautikkut qaritauyakkut titiraqlugilluuniit. Havakniaqtugut unnukmi Iqalungmi uqatigiatikni inungnik tamainni Nunavut. Nutaanguyugut havakvik taimaa piqangittugut ihumaliurutinik angmariami nutaami nunallaani.

Qaffinik ukiuqaktukhavut
takuyaqturiaptiknik iliknik?

Mikkauvallaangittut ikayuqtauyumayut. Ikayuqtavut nutaqqangit 18nut ukiulgit kihimi ikayuqtaqtavut inulramiit 25mut ukiulgit ihuaqtumik pigumi. Hiknaqtimit ikayuqtaugumaguvit ilihimaguvilluuniit kinamik ikayuqtauyumayut kihimi ilihimangitkugit avatqumayuq ukiunganik, uqaquyugut havakviptiknut.

Kina iliknut
ikayuqtittaqqaa?

Kinaliqaak ihumaalutiqaqtuq nutaramik inulramiingillu pingittut ihuaqtumik ikayuutikhamik ukunanga Nunavut Kavamanga takuyaqtuqtaativut. Una angayuqqaangukpat, attak angakluuniit, kinaliqaak ilamiknik, munaqtimilluuniit. Ikayuqtuyut tuniqhaiyut ukunatitut sikuuqtittiit, munarhit, ulaasiliqitkut, taaktit, apirhuqviki ikayuqtingit takuyaqtuinnaqtaatigullu. Unalu, ilaa, uqatigiiitquvaktavut nutaqqangit inulramiingillu havakviptiknut ikayuqtaugumagumik.

Kikliqaqqa qanurittunik
ikayuutikhaq havakviit tunittaqtuq?
Imaa, iliknik pilimaitarnik?

Mikiuqaqtuq havakvikput ikayulimaittugut. Titiraqhimayumi maligap, apirhuqviki ikayuqtiulimaittugut, ilaugguit munaqtikharnik, ilaugguilluuniit nanminiaqatunut ihuigilugu havakvikmut nanminiaqatmulluuniit timiqutigiyayumut. Kihimi humik ikayuqtauyumaguvit, uqatigiluta. Ikayulimaitkupta, qinirhaniaqqugut kimik ikayuriaqni.

Havakviit ikayuqtaqqa Nunavunmi
nutaqqanginnik nunaqaliqtut
hilataanit nunavunmit?

Uqatidjavapta Nunavunmiutauguvit kihimi kavamatkunnit munariyauguvit piliruvilluuniit kavamatkunnit ikayuqtauyutit hilataanit nunavunmit. Mikiumik piqaqtuq ikayuqtaatugut!

UQAQTUUYUQ PULAAQTUK – TITIRGAUYAQHIMAYUQ ATUQTAGHAAT



INUIT INUJUHIINI ATUQNIQAQTUT HAVAAVULLU

RCY Maliganga naunaiqtaalu pimmariktuumik piyut Inuknut inujuhiini atuqniqaqtut ikayurniaqtaa pivallianinnga aaniangittunik inulramiit ilangillu. Tamna Maligaaq uqaqtaa RCY-tkut Havakvingani atuqtakhait hapkuat quviagilugit piliraigumik havaangit atuqhimmaaqtumiklu piyunnautingit.

Inuit inujuhiini atuqniqaqtut ihariagiyaayut huliugut qanuqtutlu havaktavut havaavut akhuuqtumiklu piyugut ayuirhaqhimmaaqtumut angikliyuumiutinganulu talvunga.

2015mit 2016mut, havakvikput ilaayut ihuaqtunut hulilukaaruti ikayuqtuq amihumik kangirhigiami hapkununnga quviagilugit havakvikmi. Hapkuat ilaupkaqtait:

- * Ayuirhainiq Inuit inujuhiini atuqniqaqtut unalu Inuit qangaraaluknitaa unipkaanga.
- * Ilaliutiuyug Inuit inujuhiini atuqniqaqtut havakvikmi Maligaaq unalu qanuriliurutingalu maliktakhaq.
- * Piliurninnga Havakvikput Inirniit uqaqatigiiktumik ikayuqtiuyug pinahuarut.
- * Piliuqlugu Inuit inujuhiini atuqniqaqtut ihuarhaqhimayumik katimadjutikhamik katimayunut katimadjutikhat.
- * Katimaqatigilugit Inuit Qaujimajatuqangit Katimajit (IQK).
- * Ilauluni uumani Uqausirmut Quviasuutiqarniq, Nunavuutim annual Inuktut unalu Inuit pitquhinginnik quviahuutingit.

HAVAKTUT AYUIRHAINIQ

Ilitariyavut ayuirhaqhimmaaqniq uumani Inuit inujuhiini atuqniqaqtut ihariagiyaayug ilanga uumannga havakvikput piliurninnganik. Ihariagiyaayuglu havaktivut havagiamikni havaangit taimaa nan'ngariyainnik unaungittuq RCY Maliganga maligangit kihimi nunapta pitquhinga unalu qangaraaluknitaa unipkaanga.

2015mit 2016mut, katimayavut ilaayut malruuknik ayuirhainiqmik ukunannga Qikiqtani Inuit Katimayingit. Hivulliqpaanga ihumagilluaqtaat uumunnga Inuit inujuhiini atuqniqaqtut, tuglia uumunnga Inuit qangaraaluknitaa unipkaanga. Ihuaqtut uqaqtangit piyait ilaliutihimayug Inuinnait uqauhingit, qangaraalukniq pitquhinga, qinirhugu Inuit inujuhiini atuqniqaqtut, iluanit-ilagiinginnit qanuriliurutingit tunngavingit unalu aullaqtitauhimaplutik ahinut ilihariaqhimayut. Una

ayuirhainiq angikliyuumiqtuq havakviup kangirhigiami qanuqtut hapkuat quviagiyaayut ikayuqtait Inuit inuuyut, pilaqutihimmaaqninnga ukuat aullaqtitauhimaplutik ahinut ilihariaqhimayut nunalirningat angayuqqaat, nutaqqangit inulramiingillu, qanuqtutlu Inuit inujuhiini atuqniqaqtut pipkaidjutiniaqtuq mamihainiq ublumi. Unalu, ilaayut katimaptikni ilauttaaqtuq ilihaidjutimik uumunnga Inuinnait qanuqtut uqaqatigiiktumik ikayuqtaayut tuniyuq GN-kut Pitquhiliriyiitkunnt.

MALIGAAQ UNALU QANURILIURUTINGALU MALIKTAKHAQ

Atauhiyug Havakvikput akhuurutaulluaqhimayug havaaq angmaqtigtinnagu piliuriami Maligaaqmik unalu qanuriliurutingalu maliktakhaq. Ihariagiyaayug ilaayug havaamut akhuuqtumik ilaliutigiami Inuit inujuhiini atuqniqaqtut maligamut naunairiami naunaiyaqtait havakviup ubluq tamaat havaangit. Inirhimayug Maligaaq qanuriliurutingalu maliktakhaq atayug aadlatqiinik Havakvikput qanuriliurutingit ihuarhariami quviagiyaayut. Ilangit uuktuutikhat una maligaaqmi ilaliutiuyut:

- * Naunaiyarlugu tamna Havakvikput Itiqpaliayunik Naunaiyaiyi havaanga pivikhaqautiuyut aturiami *tunnganarniq* tunngahuktillugit tamaita ikayuqtauyumayut.
- * Puiguqtittailugu Hiknaqti havaktut maligiami quviagilugit *piliraqatigiinniq* – havaqatigiiktut nakuuyumut pigiami – havaliraangat kavamatkunnt ikayuqtiuyut tuniqhaiyut inmikkuuqtuq Hiknaqti havaat.
- * Ilitarilugit Atuqtunik unipkaalu pivikhaqautiuyut havaktut uukturiami *qanuqtuurniq*, nutaanguqhimayug ikayuutautiuyuglu, pitquyautiulurumi.



INIRNIRIIT UQAQATIGIIKTUMIK IKAYUQTIUYUT

Titiraqhimayumi RCY Maligangani, Havakvikput qinirhiattaqtaq ayuittiarninngit inirniriit hunavaluknut piyut ihuigiyanganik ihuarhaidjut, Inuit pitquhingit unalu Inuit inujuhiini atuqniqaqtut. Havaqatigiikput akhuraaluk ihumagiyut inirniriit uqaqhutik ikayuqttut hapkunani pingahuuyuni atuqhutik nakuutqiamik ikayuriamiknik nutaqqangit, inulramiingillu ilangillu.

2015mit 2016mut, iniqtiqtugut inungnut niruaqniqmut havaanganik tikkuariami Inirniriit uqaqatigiiktumik ikayuqtiuyut havakviptiknut. Havalihaliqtavut Qiqaiyarluarviani 2015 apiripluta niruaqtukhaq qinirhiayut Inirniriinik tamainnit Nunavunmit piqaqtumik ayuittunik atuliqtitauyut Inuit pitquhingit inungnullu quviagiyayut. Nungukmat 2015, Havakvikput tikkuagtut tallimanik inirniriinik ilauyukhat hivulliqpaanguyut Inirniriit uqaqatigiiktumik ikayuqtiuyut: Bessie Sitatak Kugluktukmit, Regilee Ootook Mittimatalikmit, Lucy Makkigak unalu Helen Iguptak Kangirliniqmit, unattaug Meeka Arnakaq Pangnirtuumit.



Uqaqtikhaanik unalu Qikiqtani Inuit Katimayingit Atan'nguyaq PJ Akeegok katimayut Iqalungmi.

HAVAQATIGIIKTUT KATIMADJUTIKHAT

Ilaliutiqtaqut Inuit inujuhiini atuqniqaqtut ihuarhaqhimayumik katimadjutikhamik tatqirhiutimi havaktut katimadjutikhat 2015mit 2016mut. Una ihumaliurut pipkaidjutiyut havaqatigiikput piqariami akhuurutauyut uqaqatigiikniq hunavaluknik ukunatitut ayuirhainiq Inuit inujuhiini atuqniqaqtut

unalu Inuit qanuqtut uqaqatigiiklutik ikayuqttut, Inuit uqauhingit, Inirniriit uqaqatigiiktumik ikayuqtiuyut unalu Itquumanikkut Nutaanguqtiriniqlu Havaktiuyut havaanga. Havaktivut pivikhaqautiliklu ihumagiyami qanuqtut nakuutqiamik iliurariami Inuit inujuhiini atuqniqaqtut ihuaqtut havaanginnik. Pihimaplugu Inuit inujuhiini atuqniqaqtut ihuarhaqhimayumik katimadjutikhamik uumani hapkuat katimadjutikhat piqaqtut ikayuqtait atuliqtitauyut Havakvikput avatinga talvani hapkuat quviagiyayut piyut akhuurutauyumik havaaq naunaipkariami havaavut.

INUIT QAUJIMAJATUQANGIT KATIMAJIIT

Inuit Qaujimajatuqangit Katimajit (IQK) akhuurutauyut ikayuutikhaq havakviptiknut taimaa katimayingit hivituyumik atuqpakmata kiupkaiyut GN-kut on Inuit qangaraaluktinganik ilihimaniq. Tattiaqnaqviani 2015, RCY-mi havaktingit ukuatlu IQK katimayut ukiakhami katimaliqmata Iqalungmi. Una pivikhaqautiuyut havaktivut aadlanut uqariami naunaikutaq havakviptiknut tuhaagiamilu IQK-kut katimayingit ukunanik:

- * Pilaqutit aullaqtitauihmaplutik ahinut ilihariaqhimayut ukunanik Inuit qangaraaluktinganik angayuqqaangurniqmut atuqtakhangit.
- * Ihariagininna amigaittunik angayuqqaangurniqmut ikayuutingit ayuirhagakhaniklu.
- * Ihariagininna pihimaaqtut tautuknaqtut Inirniriinik Nunavunmi sikuurviit, ilihapkaailunilu qangaraaluktinganik quviagiyayut ayuitaminik sikuurviini.

UQAUSIRMUT QUVIASUUTIQARNIQ

RCY-mi havaktingit ilauyut Nunavuutim tatqirhiutinik-akuniraaluk quviahuutiniq ukunanik Inuktut uqauhinganik unalu Inuit pitquhingit Iidjiruviani 2016. Ilauniqput mikkaqmik akhuuquyut uqariamikni Inuktut havakvikmi quviahuutiniqlu Inuit pitquhinginnut. Hulilukaarutit ilaupkaqtait Inuktut uqayuitut havaqatigiiklut Inuktut-uqayuktut havaktut ayurnaittunik tainiinnik. Hapkuat tainiit atayut uumunnga 2016 ayuirhagakhat ukunanik Inuit Annuraqausingit, unaluuniit Inuit aanuraanginnik.



Ayurnaqpaktuq nutaraq

ihumaaluktuqluuniit angayuqqaq munaqtiuyuqluuniit uqariami qanuqtut ihumagiyamiknik kavamatkunnut ikayuqtiuyut tuniqhaiyut. Qakugu Hiknaqti havaangani, havaktivut ikayuqtaaqtaa inmikkuuqtuq

inmiknik-Hiknaqti,
taimaa ihumagigiamikni
pipkaidjutiuyuq uqariamikni
qanuqtut ihumagiyamiknik.

2015MIT 2016MUT: ANGMAQTIRNINGA NUNAVUUTIM NUTAQAT INULRAMIITLU HIKNAQTI HAVAKVIKPUT

Tamaita hulilukaarutit RCY-tkut Havakvingani havaktangit 2015mit 2016mut qanuqmi atayut angmaqtirininnanut Havakvikput Hiknaqti ikayuutinginnit Aptilirviani 30, 2015. Tamaita hakuittumik katakpaktut atahiqmut pinahuutinit ihumaliurutauyut:

- * ihumagilluaqlugu Tunngavikput
- * ihumagilluaqlugu Piliuriami Piqatigiikniqmik
- * ihumagilluaqlugu Hiknaqti

Qanuriliurutinga ihumagilluaqlugu Tunngavinga ilaliutiyait ihariagiayuyuq Havakvikput pivallianiq havaanga piyuq hivulliqpaanga 6nguyut tatqirhiutinik 2015mit 2016mut - pihimmaaqtuq havaaq hivulliqpaami aullaqtiqtavut Imaruqtirviani 2014. Tamna ihumagilluaqlugu Piliuriami Piqatigiikniqmik qanuriliurutinga ilaliutiyait uqaqatigiiktaqqut unalu Inuit Qauyimayaagani akhuurutingit avatiimungauyuq tamaat 2015mit 2016mut maniliurniqmut ukiunga unalu ihumagilluaqlugu Hiknaqti qanuriliurutingit ilaliutiyait tamarmik huliyaptiknik humiklu ayuiqtaqqut hivulliqpaanganit 6nik tatqirhiutinik tuniyumik Hiknaqti ikayuutinginnit.



RCY-mi havaktangit naunaiyaliqtaa Havakvikput Aptilirviani 30 angmaqtirinnga pulaaqtipkaiplutik Iqalungmi.

IHMAGILLUAQLUGU TUNNGAVIKPUT

Piittuq nutaaq Havakvikput tunittaaqtuq nakuuyumik ikayuutinginnit piyait ikayuqtauyumayut ihariagingnit hivulliqpaami naunaiqqaarlugu tunngavinga ittuq. Kitut ayurnaittut havaat ukunatitut havaktuq, ayuirhainiq, infratimiqtigiyangit pivallianiq, maligangillu unalu qanuriliurutingit ihariagiyayut nutaamut timiqutigiyayut iniqtiqtakhanganiq.

Ihumaliuqtuq Havakvikmut angmaqtirutikhanganiq piyuq talvangaanit Nunavuutim Uqaqtikhaanik tikkuaqtaukmat Imaruqtirviani 2014. Taimaa Havakvikput hivulliqpaaq maniliurniqmut ukiunga (2014-2015) havaktut havaktut avatqumayut 200 pivallianiqmut havaanik. Talvanga pihimmaaqtuqut havaamut taimaa 2015mit 2016mut ukiungani, naunaiqkaiyuq havaktuq unalu ayuirhainiq, aadlamik pivallianiq havaavutmunarininnganun unalu Havakvikput Maligaq unalu qanuriliurutingalu maliktakhaq, pilunilu maligatigut uqaqtigiiktumik ikayuqtuq Havakvikmut.

HAVAKTUQ

Piqariami amigaittunik havaktut iluittuq talvani Havakvikput angmaqtinnagu akhuurutauyuq hivullitigiyakhaq havakviktiknut. Ilitariyavut ihariagiyugut amigaittunik havaktukhanik tunigiami nakuuyumik tuulliqhimaittumiklu Hiknaqti ikayuutinginnit nakuuyumiklu piliuriami tamaita pinahuarutinginnik. Qiqaiyarviani 31, 2016, 8nguyut Havakvikput 9nik tuniyayut havaakhat inuniktitauyuq (Naunaitkutaq 1). Piliqtavullu havaakhamut uuktuqtukhanik havaaq kingulliqpaanganun inuittuq havaakhaq - aanirutaaluqtuq Tuquyunullu Ilitquhaiyuq.

NAUNAITKUTINGA 1. NAITTUQ INUKTIQHIMAYUT HAVAKTUKHAT HAVAAMUT

HAVAAQ	AULLAQTIKUTINGA
2014-2015 Havaktut Havaktilirniq	
Hivuliqhuqti Nutaqat Inulramiitlu Hiknaqti Ikayuutinginnit	Hikutirvia 24, 2014
Ataniyuq Tuhaumajutiniq Inuulu Qauyimayaagani	Ubluqtuhirviani 23, 2015
Nutaqat Inulramiitlu Hiknaqti Ayugituq	Qiqaiyarviani 9, 2015
2015mit 2016mut Havaktukhanik Havaktittiniq	
Angayukhiyuq Atuqtunik Ilitquhaiyuq/Ihivriuqtiyuq	Qitiqauyaqviani 7, 2015
Nutaqat Inulramiitlu Hiknaqti Ayugituq	Imaruqtirviani 8, 2015
Itiqpaliayunik Naunaiyaiyi Ayugituq	Taaqhiqtirviani 13, 2015
Nutaqat Inulramiitlu Hiknaqti Ayugituq	Tattiaqnaqviani 19, 2015 (pingahunik-ukiunik havaakhaq)

Ihariaginnga Piliuriami Iluittummik Tunngavinga

Lynn Matte

Hivuliqhuqti Nutaqat Inulramiitlu Hiknaqti Ikayuutinginnit

Havakvikput ilitariyait qilaminnaq taimaa ihariaginaqtugut hakugiktumik Tunngavinga naunairiami tamarmik inuit hivayaqtaatigut piyut aadjikutaanik, ayuittiaqtumik ikayuutikhamik. Pigiama una, tuniyugut tamapta havaktivut aadjikutaanik ihariagiyauyuq ayuirhainiq pivikhaqautinik. Havaktugullu piliuriami iluittummik Maligaq unalu qanuriliurutingalu maliktakhaq naunaiyariami havaktut havaamikmini. Naunaiqtuq hapkuat hunavaluit ittut angmaqtinnatigu pipkaidjutiyuq havaktivut tunigiami nakuuqpiagtumik ihuaqtumiklu ikayuutinginnit. Havaktut naunaittumik aadlanut pittaqaat inungnut ikayuqtauyumayut havakviptiknut hulittaagtugut kituniklu pilimaitaqqut. Ikayuqtauyumayut ukpiriyullu Hiknaqti havaanga taimaa havaktivut naunaittumik talvanga piyakhat kiudjutiniklu maliktakhat.

Unalu, taimaa nutaat inuit ilaugangamik havakvikput tuniyavut ihuaqtumik naunaipkaidjutimik ayuirhainiqmiklu havaligtinnagit ikayuriami inungnik. Taimaa tamaat havaktut aadjikutamiiliraangata Makpiraangani, timiqutigiyangit nuuttut hivumut atauttiknut ukpiriplutik qanurittaakhaaniklu.



SIVULIQTIKSAT AYUIRHAYUKHAT PINAHUARUT

Tamna Sivuliqtiksat Ayuirhayukhat Pinahuarut tuniyuq Inuit nunataarhimayuq havaktillugit ayuirhainiq ihuaqtumut atan'nguyamullu havaakhat, nunguviqatumik tikinnahuarutinga angikliyuumiriami inuit nunataarhimayut talvani ittut havaami. Ayuirhayut talvani ittut atahiqmi pingahunut ukiunik talvangaanit ihuaqtut ayuirhainiq ihumaliurut titiraqhimayuq naunaiyaininnganik tikuaqtauhimayumit ayuirhaqtiuyuq.

Havakvikput uuktuqtut ilaugiamikni pinahuarutimut naunaiqtitauyullu Ubluirviani 2015 uuktuutingit angiqtauyuq. Havakvikput naittumik-piyuq tikinnahuarutingit piqariami ayuirhayuq tikkuqaqtauyuq 2016mit 2017mut maniliurniqmut ukiunga. Akuniraalukmut tikinnahuaqtaat ayuirhariami ayuirhaqtuq pingahunut Nutaqat Inulramiitlu Hiknaqti Ayugituq havaanganut, tadja inuniktut ihariagiyaupkat havaktukhaq aadjikutariami ayuirhaqtuup qanuriliurutinginnik.

PIPKAJUTTIYUQ HAVAKTUNIT

RCY-tkut Havakvingani avallittuq timiqutigiyauyuq Nunavunmi ihumagilluaqtuq ikayuriami kavamatkunnit nutaqqat ihumaqhutingit aliagiyanginniklu. Tuniluni una naunaiyainiq, qinirhimmaaqtugut havaktut ayuirhainiq piliurninngalu pivikhaqautinik hakugiktigiami iluanit aktikkulaanga. Naunaitkutinga 2 ihivriugtaq ayuirhainiq piliurninngalu havauhikhami RCY-mi havaktingit ilauyut uumani maniliurniqmut ukiunga.

NAUNAITKUTINGA 2: HAVAKTUT AYUIRHAINIQ PILIURNINNGALU 2015MIT 2016MUT

AYUIRHAINIQ	UBLUA INIQTAA
Inuit inujuhiini atuqniqaqtut	Qitiqauyaqviani 2015
RCY-mi havaktingit Katimaniq	Qiqaiyarluarviani 2015
Nagliguhuukniqmut Unaguqtuq	Qiqaiyarluarviani 2015
Atayuq Ihivriugniq Nutaramik Nuliarniq	Qiqaiyarluarviani 2015
Inuit Qangaraaluknitaq	Imaruqtirviani 2015
Ikayuqtauyumayunut Ikayuut	Imaruqtirviani 2015 uumanilu Ubluirviani 2015
Nutaraq Ihumaqhutingit Pilaqutit Naunaiyainiq (CRIA)	Imaruqtirviani 2015
RCY Maligaq unalu Qanuriliurutingalu Maliktakhaq	Taaqhiqtirviani 2015 unalu Tattiaqnaqviani 2015
Havaamut Munariniquitinga	Niqiliqivikmi 2015
<i>RCY Maligaq Ayuirhainiq</i>	Qiqaiyarviani 2015 unalu Niqiliqivikmi 2015
Ihumaalutigiyauyut Inminiqqtailiniqmut Nutqaqtitaunahuarniq Ayuitaminik (ASIST)	Apitilirviani 2015
CCCYA Malruuknik Ukiunik Katimaniq	Apitilirviani 2015
Inuit Pitquhinga Uqaqatigiiktumik Ikayurniq	Hikutirvia 2015
Media Ayuirhainiq	Hikutirvia 2015
Unguvaqtauhimayut Naglikhaaqtuq, Nagliguhuktuq Unaguqniq, Havakpallaarniqmut Unaguhuinnaqtuq unalu Inmiknik-Munariniq	Iidjirurviani 2016
Nutaraq unalu Inuit Ihumaqhutingit Hivumuuqtitauyuq Naunaitkualirinniq	Piliqtaat Hikutirvia 2015 (malruuk ilihaidjutikhat iniqtiqtuq Qiqaiyarviani 2016)

AYUIRHAINIQ PILIURNINGALU NAUNAITKUTAT

HAVAKTUT KATIMANIQ

RCY-tkut Havakvingani pipkaidjutigiya hivulliqpaanga havaktut katimaniq Qiqaiyarluarviani 2015. Una pivikhaqautiuyuq nutaaptiknut havaqatigiiktut ayuiriamikni uuminnga tamainnik Havakvikput havaanganiklu. Ikaarninnganiklu tuniyayuqlu qinirhiagiami Inuit inujuhiini atuqniqaqtut piyuq havaaptiknut piliuriamilu Havakvikput Havaakhijutauyuq unalu tautuktuuyaqtayuq uqaqtangit. Unalu hivulliqpaanga havaqatigiiktut piliurninngaut hapkuninnga naunaiyaiyut uqaqtangit piyut ukunani Havaakhijutauyuq unalu tautuktuuyaqtayuq uqaqtangit havaktut akhuraaluktut pipkaidjutiut talvunga.

CCCYA MALRUUKNIK UKIUNIK KATIMANNIQ

Malruuk ukiunnguraangat, ilauyuq CCCYA katimapkaivaktuq ihumagilluaqtuq ukunanut Hiknaqti ihumaalutingit unalu ikayuriami piliurninnganik. Newfoundland-tkut Nunagiyangani Nutaqat Inulramiitlu Ikayuriami katimapkaiyut 2015 St. John-mi. RCY-tkut Havakvingani aullaqtitaat Hivuliquhuqti Nutaqat Inulramiitlu Hiknaqti ikayuutinginnit atauhiqlu Nutaqat Inulramiitlu Hiknaqti Ayugituq katimavikmut. Tuniyuq havaqatigiikniqmik ukununga Hiknaqti havaktut aadlanit nunanganit Kaanatami, unalu ilihaidjutinik uqaqtamiknik ukunatitut inulramiingillu ilauniq nunaqaqqaarhimayullu nutaqqangit inulramiingillu nutaraup nakurudjutinganut.

Nutaqqanut Inulramirnullu Uqaqtikhaanik havaktingit Nutaraq Ihumaqhutingit Pilaqutit Naunaiyainiq ayuirhaqtut Imaruqtirviani 2015.

RCY MALIGAQ AYUIRHAINIQ

2015mit 2016mut, Havakvikput hivullitigiyaat ayuirhainiq havaktut uumunnga RCY Maliganga, naunaiqtaa Havakvikput guiding maligangit, pitquyauyut, havaat piyunnautingillu. Havaktut ihariagiuyuq nakuuyumik kangirhigiami Maligangamit naunairiami havakniaqtut nakuuyumik ukununga nutaqqangit inulramiingillu, unalu kavamatkunni havakvingit unalu ikayuqtiyut tuniqhaiyut. Ihuarhaqhimayuq ayuirhainiq katimaniq ihumagilluaqtaat naunaittiaqhimayumik ihivriyuq Maligamut uqaqtangillu ihumagiyait havaamut qanuriliurutingit. Tamaita RCY-mi havaktingit ihariagiayuq iniqtiqtukhat una ayuirhainiq pitinnagu qanurittaakhait ayuittiaqtuq uumunnga Uqaqtikhaanik.

NUTARAQ IHUMAQHUTINGIT PILAQUTIT NAUNAIYAINIQ (CRIA) AYUIRHAINIQ

Amigaittut timiqutigiyangit tamainni nunaryuaptikni atuqtaat CRIA hanalrutinganik. Ihuarhaqhimayuq havaat ikayuqtuq timiqutigiyangit naunaiyaqtait qanuqtut qanuriliurutingit pilaqutayuq nutaqqangit unalu ihumaqhutinginnik. Aturhuni CRIA ikayuqtaaqtaa timiqutigiyangit piliuriami pinahuarutingit ikayuutingillu nakuutqiamik atuliqtitaugiami nutaraq ihumaqhutingit ikayuqlugulu kavamatkunni piliuqtuq maligaq maligangillu piyait havaangillu titiraqhimayut *CRC-mi*. Ikayuqtaaqtaalu nutaraq ikayuutikhat ukturiami nutaraq ihumaqhutingit tautukvinga naunaiyuriami ihivriuriamilu ihuaqtut havaamut unalu Atuqtunik ihumaalutingit. 2015mit 2016mut, havakvikput ukunungauyut UNICEF Canada-kunnut tunigiami CRIA ayuirhainiq. UNICEF tuniyuq una unghaktumut havaktivut Iqalungmi WebEx-tikkut. Tamna ayuirhainiq ilaupkaqtait ihivriyuqniq nutaraq ihumaqhutingit, naunaiykainiq CRIA-tkunnut unalu pivikhaqautinik ukturiami CRIA ihumagiami havaamut qanuriliurutingit.



AADLAT PIVALLIANIQ NAUNAITKUTINGIT

Unalu hivituyunut havaktut ayuirhainiq piliurninngalu, havakvikput iniqtiqtut amigaittut aadlanik akhuurutauyuq havauhikhat 2015mit 2016mut ikayuriami angmaqtirninnga Hiknaqti ikayuutinginnit – unalu iniqtirninnga havaavut munarininnganut, ihuarhaqtuq maligatigut uqaqatigiiktumik ikayuqtut iniqtirninngalu Maligavut unalu qanuriliurutingalu maliktakhaq.

Nunguvinga 2014-2015, Havakvikput niuviqtuq havaamut munarinig qaritauyamut atuqtakhanginnik pinahuarut kaantraqaliqtullu ayuirhavikhamut ikayuutikhamullu. 2015mit 2016mut, havaktivut, ikayuqtaupluni qritauyamut atuqtakhanginnik pinahuarutit piliuqtiuyut, ihumagilluaqtuq ihuarhaqtuq havaaq. Iniqtiqmagit una ihuarhaiyanginnik, talvannga uuktuqtavut havaaq tuniplugu havaktut ayuirhagakhanganik. Tamna havaamut munarininnga piyuq uuminnga naunaitkutaq ikayuutikhaq ukununnga Havakvikput inmikkuuqtuq Hiknaqti havaaq. Hivuniqmi havaakhaq ihumaliuqtauyuq aadlamik ihuarhigiami havaanga pigiami Havakvikput Atuqtunik Hiknaqti naunaitkutaq munarinig ihariaginngit.

2015mit 2016mut Havakvikput hapummiyaillu inmikkuuqtut maligaq uqaqatigiiktumik ikayuqtut. Such uqaqatigiiktumik ikayuqtut ihariagiayuyuq, ilaani, ikayuriami havaktivut uqaqtigiami kavamatkut maliganga havaangit nutaqqanut inulramiingillu. Hikutirvia 2015, havakvikput sainiqtuq kaantrakmik ukununnga Olthuis Kleer Townshend.

Kingulliqaami, iniqtiqtavut Havakvikput aulapkaininnga Maligaq unalu qanuriliurutingalu maliktakhaq 2015mit 2016mut. Taimaa maliktakhaq akhuurutauyuq nakuuqpiagtumik aulayumik ihuaqtumiklu timiqutigiyayuyuq. Tamna piliurninnga RCY Havakvikput maliktakhaq naunaipkaqtayuyuq atuqtamiknik unalu qanuriliurutingit aadlanit Nutaqat Inulramiitlu Hiknaqti Havakvikput unalu RCY Maliganga. Tamna maliktakhaq pipkaidjutaayuquqlu naunaittumik havakvikmit ihuarhaqtayuyuqlu ukununnga Inuit inujuhiini atuqniqaqtut.

Tamaita hapkuat havauhikhat iniqtiqtauyut Havakvikput angmaqtinnagu, naunaiqhugu Havakvikput piqaqtuq titiqiqinirmut havaangit unalu havaakhaqlu talvani ikayuriami tuuliiqhimaittumik unalu nakuuyumiklu Hiknaqti ikayuutinginnit inulramiinut Nunavummiut ilangillu.

HAVAKTUT IHUMAGIYANGIT

Quviagilugit ukunanik CRIA Ayuirhainiq

Nancy Pellerin

Angayukhiuyuq Atuqtunik Iitquhaiyiluaq

2015mit 2016mut, Ilauyunga ilihagtunik ukunannga UNICEF Canada qanuqtut atuqtuq CRIA-mik. Ilauluni uumani katimadjut ikayuqtait uvamnut tamaat kangirhigiami qanuqtut kavamatkunnit qanuriliurutingit ayurhautipkaiyuq inulramiit ihumaqhutingit. Ayuiqtungalu qanuqtut aturiami hanalurutimik naunaiyuriami qanuqtut ihumaliuqtangit inimiit piliuqtut pilaqtit nutaqqaup ihumaqhutingit.

Una ayuirhainiq pipkaidjutiyuq uvamnik qun'ngiariami Atuqtunik ihumaalutingit tadjia nutaakkut piluni – taimaatut ihumagilluaqtut uumunnga ihumagiayuyut nutarap. Pipkaidjutigiyaanga akhuuqtumik aturiami Atuqtunik Hiknaqti pigiami nakuuyunik aadlangurniq nutaqqanut inulramiingillu Nunavunmi.



IHMAGILLUAQLUGU PILIURIAMI PIQATIGIINKNIQMIK

Aadlattaug qanuriliurutivut havaaptikni 2015mit 2016mut piliuriami piqatigiikniq ukununnga akhuurutauyuq tigumiaqtuuqatauyut: nutaqqangit inulramiingillu, Nunavut Kavamanga havakviingit unalu ikayuqtiuyut tuniqhaiyut, ilangit inungillu, havaqatigiiktullu timiqutigiyangit ukunatitut CCCYA. Ihumagiugut nakuuyumiklu uqaqatigiikniq nakuuqpiagtumik piniqatuuq taimaa tamaita ilauyut pivikhaqautiqaqat uqariami naalakkumilu. Talvuuna, havaavut uumani piqaqtuuq ukunanik hulilukaarutit piliurhimayuq tamarmik aadlanut pigiami naunaitkutaq havakviptiknut piliurlunilu pivikhaqautinik tuhaagiami ayuirhariamilu ukunanit amigaittut tigumiaqtuuqatauyut. Iluittumik atiliurhimayumik akhuurutiptiknik katimadjutikhat, uqaqtamiknik unalu nunallaanut pulaarahuat, takulugu Makpirangani 37 una titiraq.

NUTAQQANGIT INULRAMIINGILLU

Havakvikput akhuuqtut ilaugiami nutaqqangit inulramiingillu havaaptikni. Naunaiyarumayaqqut nutaqqangit inulramiingillu – akhuurutaulluaqtavut tigumiaqtuuqatauyut – piqaqtuuq pihimmaqtuuq pivikhaqautinik aitturiami huliyugut qanuqlu piyavut. 2015mit 2016mut, ilapkaqtaqqut inulramiingillu havakvikput qaffiuyuni qanuqtut.

UNIPKARIYAT, NIPIGIYAT AKITAQUTAUT

2015mi, angmaqtiqtavut angmaqtirutivut Unipkariyat, Nipigiyat Akitaqutaut naunairiami Kanatami Nutaqat Ublua. Nunangit tamainni nunaryuaptikni quviahuutigiyana una ublunga ukiunguraangat ilitarigiamikni sainiutinga CRC. Piliuqtugut una taktakhamik atahiuuyuuq mikkaqmik naunaipkariami ilihimayakhaanik inulramiini Nunavummiut ukunanik nutaraq ihumaqhutingit unalu havakvikput.

Taktakhaq qanuriliurutinga 2015mut una nutaraup pilaarutingit pitquhinginnut. Havakvikput naunaipkaqtaa taktakhaq inungnut tuhaqtipkaidjutikkut naalautikkut, kayumiktukkuullu sikuurvikmut, RCY qaritauyakkut pulaarvikkut ukunuunalu tuhaagakhanik. Piyugut 70nik uuktuqtunik tamainnit Nunavunmit, ilangit tamaat sikuurvingit tuniyut uuktuqtamiknik. Qun'ngiaqtiuyut piqaqtuuq RCY-mik havaktinginnik talvanga ihivriuqtait tamaita tuyuqtanginnik tikkuuqhugillu hapkuat akimayut:

Tanner Kalluk – Qasuittuuq

“Pitquhira akhuurutauyuq uvamnuit taimaa naunaiyarmagu kinauyaakhannik.”



Byron Rudolph – Urhuqtuuq

“Pilaarutiqaqtunga pitquhimnut angunahuaqtaarapta nattihiuqlutaluuniit upin'ngakhami tuktutkupta nattiruptaluuniit upin'ngakhami igainnariaqtaqvut niqi. Angunahuariaraangama atuqpaktunga Inirniurip hiqquutaanik tuktutkuma tuktutkumaluuniit, inirniurip ayuirhavaktaatigut qanuqtut aakturiami tuktumik.”



Sarah Sagiatak - Kimmirut

“Inuinnauyumik uvamnut amihumik piyuq. Piqaqtuq avatqumayuq 7 billianik inuinnaqnik nunaryuaptikni inuinnauyungalu, tamnal quviattaktitaanga quyaqpiqhungalu. Pitquhiptikni Qiarviaqtugut, nattihiuqtugut, aullaqtugut, qayaqtuqtugut auyami aullaqhutalu hikumi ukiumi qin'mikkuqhuta. Iqalungmungauvaktugut sikiituukkut. Paun'ngaqtariaqhutalu niriaqtuqhutalu katimapluta inuit tamaita qaitquplugit. Kamiliuqhuta, atiginik, attaqtanik pulukniklu nattip aminganit, tiriganniap aminganit, ukaliup aminganit aadlanillu huradjat aminganit. Pitquhiptikni inuit tamaita ilihimayavut tunngahuktitpaktavut igluptiknut. Maniqqamungaugiame inuinnanguqtitpaktaanga. Iqungittunga, quviagiya inuinnaugiame. Unalu, inulramiingillu Kimmirunmi pivikhaqautilik maniqqamungaugiame Saalutinguraangat taimaa 10nik Santinik naunaiyarutilik angunahuariami, iqalukhiuriami, aqilgigiami ayuirhariamilu igluluriami. Una quvianaqpiqnaqtuq angikliyumirniaqtaralu ilihimanira inuit pitquhinginnik.”



Sikuuqatigiiktumik Ilauyut Takhiyut - Netsilik Sikuurvinga Angayukhiyut Sikuurvinga - Taloyoak



KAANATAMI INUIT INULRAMIINGILLU SUMMIT

Niqiliqivikmi 2015, RCY-tkut Havakvingani ikayuqtait pipkaidjutiyaa 10nguliqtuq Malruuknik Ukiunik Kaanatami Inuit Inulramiingillu Summit (NIYS) Iqalungmi, Nunavut. Tamna katimadjut pivikhaqautiuyuq 100nut Inuknik inulramiingillu 53nit nunallaanit tamainnit Inuinnait Nunanganit naunairiami iniqtiqtamiknik ilitarigiamilu atayut hivullitigiyakhainnik. Tamna katimadjut tuniyuq katimaqatauyut pivikhaqautikhamiknik pigiamikni hivuliqtuyukhanik ayuitakhangani hakugiktiqlugulu pitquhimitigut ilauniq.

Aadlatqiiktut ayuirhainiq katimadjutit uqaqatigipkaiyullu qaffiuyunik uqaqtakhamiknik, ukuninngalu ilihainiqmut, maniliurniqmut, havaakhamik unalu ayuirhainiq, ihumamitigut ayurhauitigut inminiqtailiniqmut, Inuit uqauningit unalu pitquhingit inulramiingillu ilauniq. RCY havakingit akhuraaluk quviagiyaayut pivikhaqautinik inulramiingit atauttimuqmata uqariamiknik hapkuninnga akhuurutaayut uqaqtakhangit himmautigiamilu ihumaliuqtamiknik. Talvaniinnapta katimadjutingani tuhaqtipkaiyaatigut inulramiup qanuqtut ihumagiyanginnik hapkuninnga akhuurutaayut ihumaalutingit ayuiriamikniklu. Nutaraq ihumaqhutingit Hiknaqti Havakvikput, nipinga inulramiit piyuq ihariagiyaayumik naunaiyaqtait havaaptiknut.

AUYAMI ILIHAQTUT

Ilaukmat akhuurutiptiknik ilaupkariami inulramiingillu havaaptikni, havaktittiliqtavut auyami ilihaqtumik 2015mit 2016mut. Megan Blair, akuniraalukmik ukiuqtaqtumiutaq havaktuq pinahuaqhugu Iliharutaungmat ilitaridjutaublunilu Inuup Ihumaqhutingit uumanilu Inungit Ihuarhaidjutingit Carleton Iliharvikyuanganit ikayuqtaupluni ukunanga Havakvikput pivallianiq havaaq ihivriuhunilu qanuqtut aadlat Hiknaqti Havakvikput ilauyut inulramiingillu havaamikmini. Piqariami ilihaqtumik havaktuq naunaiqtaa iqhimaittumik piqutigiyayuq havakviptiknut, tuniyuq aadlatqiittumik akhuurutaayumiklu ihumagiyanginik pivallianiqmut havaaptiknut.

NUNAVUT KAVAMANGA (GN)

Tamaita tigumiaqtuuqatauyut akhuurutautillugit, ilitariyavut piliurninnga piqatigiikniq GN-kunnut ittukhaugaluaq hivullitigiyakhaq havakviptiknut. Iilitariyavut hakugiktut piqatigiikniq GN-kunnut ikayurniaqtuq hakugiktiqlugit tikinnahuarutikput ikayuriami inulramiit Nunavummiut. Ilihimayugullu GN havakvingit havaktullu piqaqniaqtut nutaamik maligaqmik havaanik titiraqhimayumi RCY Maligangani atuliqtitauliqqat. Talvuuna, ihariagiyauyuq tunigiami naunaitkutaq piyuq uumunnga havakvikput maligaq piyunnautingit havaangillu, unalu GN-kut maliganga havaangit titiraqhimayumi Maligami, Apitiliriviani 30ngtuqtinnagu, 2015.

Iilitariyami una, 2015mit 2016mut naunaiqtavut pilluaqtauyuq naunaitkutaq uuktuutikhaq ihumaliuliqtavut aippaani maniliurniqmut ukiunga. Akhuurutauyuq hulilukaarutit ilaupkaqtait:

- * Pipkailuni naunaipkaidjutikhamik katimadjutikhat ukununnga Angayukhiyuq Munaqtiyuq havakvinginnut ukuat Inuuliriyiitkut, Munarhiliriyiitkut, Ilinniaqtuliriyiitkut Maligaliriyiitkullu.
- * Pitquiuyuq ikayuqtiyuq havaktut tuniluni atan'nguyallu ukunanik kavamatkunnit Nutaqat Inulramiitlu-ikayuqviyuq tamainni Nunavunmi nunallaanginninaunaipkarlugit havakvikput.
- * Titiraqvikkuuqtillugit naunaitkutaq puuqhimayut kavamatkunni hivuliqtinginnut, havakvikmi atan'nguyangit ukuallu ikayuqtiyuq tuniqhaiyut uuminnga Havakvikput havaangit unalu maliganga havaangit RCY-mit Maliganga.
- * Havaqatigiiklugit ukununnga Inuuliriyiitkut ikayuutinginnit tunigiami naunaitkutaq uuminnga Havakvikput Nunavunmut arhaaqtauyut nutaqqat angayuqqaanguangit.
- * Pipluni ikayuqtiyuq havaktut tuniluni naunaiyariami nakuuninnga uuktuutinganik.

HAVAKTUT IHUMAGIYANGIT

Humik tuhaayunga Inuulrammiinit

Christa Kunuk

Nutaqat Inulramiitlu Hiknaqti Ayugituq

Havalirama RCY-tkut Havakvingani, uqaqatigiyatka ukuat amigaittut nutaqqangit inulramiingillu. Humunngaugaangama, apirhuqtauvaktunga kinauyaakhamnik humiklu tunittaaqtatka inulramiit. Ilaani inulramiingillu nipaiqpiaqpaktut qayagipltuklu takulihaaraangapkik, kihimi naalaktut. Naunaiyaraangama ihumagilluaqtauniq havakvikptiknik ikayuriami nutaqqangit inulramiingillu, takuvaktatka aliagiyanginnik angikliyuumiqtuq tuhaagamik ikayuqtaaqtaqqut.

Atauhiyuq tuhaayara amigaittumik inulramiinit mihigivaktut ayumaqtuq uqaqatigiami inimiit, tahapkualluat inimiit tuniyut ikayuutinginnit havakvikmi ittutluuniit havaangit ayuittiaqtunik. Ilaani ayumaqtuq inulramiit uqariamikni humik ihumagiyamiknik ihumaalukmata ihuigiyauniaqmata ukpiriyaulimainmatalu. Taimaa havaara uvamnut pipkaidjutigiqpiaqtuq: uqaqatigaangapkik inulramiit, piluni nakuuyumik kangirhigiami humik ihariagiyunik, ikayurlugit qanurunaarnaittumik aturiami nipingit ikayuriamiluuniit naunairiami ihumaqhutinginnik piyait.



ILANGIT INUNGILLU

Havakviptiknut iniqtiriami Havaakhijutauyuq unalu tautuktuuyaqtayuuq, piliuqtukhauyugullu piliuriami hakugiktumik piqatigiikniq Nunavunmiunut tamainni nunavunmi- ilangilluanut. Ilihimapkaiyumayavut inuit tamaita tamainni nunavunmi huliyugut qanurunaarnaittumiklu pigiamikni ikayuuptiptiknik. Tamaita Nunavummiut ihumaliriamiknilu tuniyauyut havakvikmi, ilihimagiami hamani ittugut ayuriaptiknik inulramiinit ikayuriaptikniklu.

Kihimi, uqaqatigiami angayuqqaangit, ilangit, nunamiutangit tamainni Nunavuutim 25nguyut nunallaangit akhuurutiaqatut: Iqalungmi-ittumik Havakvikput, unghiktut nunallaangit, nakuungittumik piqalluangittumikluuniit qaritauyakuurutikhamik, akituvallaq tingmidjutikhaq agyariamilu tamayanik, havagiami pingahuuyunik ubluqhiutikkut aadlatqiiktummik, hunaluuniit. Qaangiutigiami hapkuat akhuurutauyut, havaariyaqqut aadlatqiiktunik tuhaqtipkaidjutinnik havauhikhami piliuriami piqatigiiktaqqut Nunavunmiunut.

QARITAUYAKKUT PULAARVINGA

RCY-tkut Havakvingani ilitariyait piliuriami qaritauyakkut pulaarvinganik uuminnga akhuurutauyuq tuhaqtipkainiq hivullitigiyakhaq. Quulitqiaq ihumagiyangit piliuqtayuuq qaritauyakkut pulaarvinga naunairiami atuqtaunginnaqtuq Havakvikmut pingahuuyut naalaktunut: nutaqqangit inulramiingillu, angayuqqaangit ilangillu, inuillu. talvuuna, qaritauyakkut pulaarvinga avvakhimayuuq malruuknik piqaqtumik piliurninnganikluuniit: atauhiq ilanginnut inungnullu, aippaattauq pilluaqtuq nutaqqanut inulramiingillu. Piqaqtilluni qaliriiktut naunaitkutat tamarmikni, ilangit inungillu piliurninnga piqaqtuq ayurnailqiamik akhuuqtumiklu naunaitkutamik, taimaa ilanga nutaqqanut inulramiingillu tuniyuuq naunaitkutaq havakvikmi tuniyuuq pilluaqtumik inulramiinit-ihuaqtuq.

Havakvikput angmaqtaa qaritauyakkut pulaarvinga Hikutirvia 20, 2015, ilaliutiplugu Kanatami Nutaqat Ublua. Uumani Hikutirvia 20, 2015 uumanilu Qiqaiyarviani 31, 2016, 877 atuqtut pulaaqtaat tamna qaritauyakkut pulaarvingani atauttimut ittuq 1851 pulaaqtauyuuq. Tahapkuanit atauttimut pulaaqatut 57 pusantnguyut Nunavunmiutauyut.

HAVAKVIKPUT ANGMAQTINIRMUT QUVIAHUUTAUYUQ

Apitilirviani 30, 2015, havaqatigiikput naunaiqtaa *RCY Maliganga* atuliqtitauniaqtuq unalu Havakvikput angmaqtrinnga inungnut katimapkailuta,

Angmaqtrinnganiklu pulaaquiniaqtugut apirhuqtauniaqtugullu naalautikkut Qulliq, CBC North-kut tamainni nunavunmi ublaami tuhaagakhat naalautikkut.

Hapkuat quviahuutingit katitigtait naunaiqkaidjutimik ilitariyauniqlu angmaqtriptikni kihimi pipkaidjutiyuuq havaqatigiikput ihumagilluarami tuniyuuq Hiknaqti ikayuutinginnit angmarapta.

Talvangaanit, Tattiaqnaqviani 23, 2015, angitqiamik Nunallaani quviahuutipkaiyugut Iqalungmi. Una quviahuut pivihaqautiyuuq naunaiqkariami Inuit Qauyimayaagani uuminnga RCY-tkut Havakvingani. Naunaitkutaq ikpat havaktaat RCY havaqatigiinginnit unalu ihumaqhutingit-pipkaidjutiyuuq piksaliurvik ilanginnut nutaqqanut tuniyuuq pivihaqautinik pulaaqtunut ayuriamikni uuminnga nutaqqaup ihumaqhutingit havaangillu Havakvipta. Atauhiyuuq naunaitkutaq unnukmi tuhaqtipkaiyut Iqalungmiutat inulramiit atuqtuuyayuktut, Daniel Kolola atuqtuuyaqtut. Avatqumayuuq 2 hannat inuit ilauyut, Ministalu Keith Peterson unalu Maatali Okalik, Atan'nguyaaq Kaanatami Inuit Inulramiingillu Katimayiit, tamarmik uqaqtut naalagiaqtuqtunut.



Maatali Okalik, Atan'nguyaaq Kaanatami Inuit Inulramiingillu Katimayiit, uqaqtuq angmaqtririllugit RCY-tkut Havakvingani Tattiaqnaqviani 2015.

NUNALLAANI IKAYUUTIKHAQ

Atauhiyuq angitqiaq akhuurutauyuq havakvikput atuqtuq Iqalungmi ittuq timiqutigiyangit piliurhimayuq ikayuriami 25ngunut nunallaanut tamainni nunavunmi. Piqariami atauhiqmi nunami Nunavuutim kavamaliqininnganik ikayuutihagaqtuq, ayurhautiyuqlu piliuriami piqatigiikniq nutaqqanut, inulramiingillu, ilangillu unalu ikayuqtiuyut tuniqhaiyut nunallaani.

Hungiutigiami una, tuniyaqquq tamarmik pingahuutivut Hiknaqti Ayugituq avikturhimayumik Nunavunmi munariyakhait piliuriami piqatigiikniqmik. Talvannga piyakhait ikayuutikhamik nunagiyamikni ukunuuna nunallaanut pulaarahuat – piliuqtuq pivikhaqautinik tuhaayakhait ayuriamikniklu talvanga Nunavunmiunit aadlanullu tunigiami naunaitkutaq uuminnga ikayuutingit tuniyayuq Havakviptiknit.

Pulaaqtilluta, havaktut uqaqtut nutaqqanut inulramiingillu sikuurvikmi nunamiknilu inulramiingillu timiqutigiyangit. Katimaqatigiiktaillu kavamatkunnut ikayuqtiuyut tuniqhaiyut (sikuuqtittiinik, munarhinnik, Nunallaani munarhitkunni uqaqtiuyut, ulaasiliqitkut, itiqtauhimangittut ihuinaaqtukhaungittumik havaktingit kinaliqaaklu), haamlatkunni atan'nguyat, Inirniriinut aadlanullu timiqutigiyangit hivuliqtiuyullu. Havaktut uqaqatigiiktitauplutik inungnut piliuqhugu naunaitkutakhaq ikpatinik situami.

Hivulliqpaami 6 tatqirhiutinik angmaqmat, havaqatigiikput pulaaqtut Sanirayaak, Igloolik, Kinngait, Kugaaruk, uumunngalu Urhuqtuuq. Havakvikput ihumagiut pulaarniaqtait tamaita pulaangitamiknut 2016mit 2017mut maniliurniqmut ukiunga.

HAVAKTUT IHUMAGIYANGIT

Quviagilugit Nunallaanut pulaarahuat

Colby O'Donnell

Nutaqat Inulramiitlu Hiknaqti Ayugituq

Pulaaraangapta nunallaanut, tunivaktugut uqaqtakhat nutaqqanut, inulramiingillu unalu ikayuqtiuyut tuniqhaiyut. Kihimi pivikhaqautiyuqlu uvamnut ayuriami talvannga inungnit, tahapkualluat nutaqqangit inulramiingillu. Tamarmik Nunallaani Nunavunmi aadlatqingittuq, tamarmik nanminik aulayunnautinganik. Taimaa nunallaani, ilauqatigiinginnaqtavut inulramiit uqaqatigiplugit Maligaliuqtiuyut, GN ikayuqtiuyut tuniqhaiyut haamlatkunnilu hivuliqtiuyut. Takuinnaqtitauplutalu inungnut situami.

Pulaarhutralu nakuutqianguyuq uvamnut piliuriami piqatigiikniq nunallaanut. Piqalluanginmat katitiriami naunaitkutanik hivayautikkut. Takugumagapku avatinga nutaqqat inulramiingillu nunagiyangani. Una uktuutigillaklugu, taimaa kinaliqaak naunaipkaruminga piqalluangittuq ilihaidjutikhamik inulramiinut nunagiyamikni, talvangaani takuyakhara qanuqtut nunallaanga qanurittuq. Piqaqqa innikhamik havakniaqtuq inulramiinut ilihaidjutikhanganik? Kitut aadlat ikayuutinginnit tuniyayuq inulramiinut humullu? Inmat Iqalungmi-ittuq Havakvikput, tingmiluni nunallaanut ihariagiayuq piqatigiitptikni piliuminnganik unalu Inuit Qauyimayaagani havaaq.



KANATAMI KATIMAYIT NUTAQANIK INULRAMIQNIKLU HIQNAQTIT (CCCYA)

Apitilirviani 2014, RCY-tkut Havakvingani ilitariyauyumik piyut ilauniqmut ikhivautaq CCCYA-mi. Tamna CCCYA katimayiuyuq qablunaat nunagiyangani avikturhimayumilu ikayuutikhat piqaqtut maligaqmik pitquyauyut ikayuriami nutaraq ihumaqhutingit. Uumani 2014-15, havaqatigiiktaqut CCCYA ikayuutauqpiaqtuq, ikayuqtauqpiaqtugut amihumik ilauyut ikayuutinganit unalu ilihimaniq piliurahuqtailluta havakvikput. Ilauvut pipkaidjutiyaatigut sainiriami MOU-mik tamarmiknut ilauyunut timiqutigiyangit Qiqaiyarviani 2015. Una MOU tuniyuq tamaanmut tuuliingittummiklu piinarialik ukunanut Hiknaqti ikayuutinginnit nutaqqanut ilangillu nuuttut qablunaat nunagiyanganit avikturhimayunullu.

2015mit 2016mut, quyagihimmaaqtavut ikayuutinga CCCYA-tkut akhuraaluk tunihimaaqtillogu CCCYA-kunnut havauhikhami, ilaliutihimayut:

- * Ilauluni uumani CCCYA havaqatigiiktuq piliuqtut kaanatami Nutaqat Inulramiitlu Hiknaqti maliktakhangit, talvani Katimayit angiqtaut Apitilirviani, 2015.
- * Ilauyuq malruuknik ukiunik CCCYA katimaniq Apitilirviani 16-17, 2015 uumani St. John-mi, NL.

- * Tamna Uqaqtikhaanik, ilauyuq CCCYA-mut ilauyuq uumunnga, Itquumanikkut Nutaanguqtiriniqlu Havaktingit quviahuutinga Ottawa-mi Imaruqtirviani 2015.
- * Uqaqtikhaanik, Ubluqtuhirviani 2016, piliqtuq hivuliqtuiyuq CCCYA-kut havaqatigiiktuq inulramiit ilauninnganut.
- * Tuniyuq piliurninnga hapkuat CCCYA uqaqtangit
 - Uqaqtangit uumunnga Nutaqat Inulramiitlu Ihumamitigut Aaniarutilgit, May 2015
 - Uqaqtangit Angirutinganik umiliqtumi quviahuutinga uumunnga Itquumanikkut Nutaanguqtiriniqlu Havaktinga, Imaruqtirviani 2015
 - Tuhaqtipkaiyunut Uqaqtangit uuminnga Kanatami Nutaqat Ublua – Apiriyuq Ikikliyuumiriami Nampangit Nunaqqaqqaarhimayut Nutaqqangit Munariyauyut, Hikutirvia 2015

IHMAGILLUAQLUGU HIKNAQTI

Kingulliqpaanga ihumagilluaqtaat havaavut 2015mit 2016mut hulilukaarutit piyut tunigiama Hiknaqti ikayuutinginnit. Uumani maniliurniqmut ukiunga, pihimayavut iliuraqhimayut pidjutinga, hivullitiplugu piliurninnga angmaqtirningalu inmikkuuqtuq Hiknaqti pinahuarut Apitiliviani 30, 2015. Talvanillu, 2015mit 2016mut piliurhimmaaqtavut Atuqtunik Hiknaqti pinahuarut.

Taimaa hivulliqpaangani 6 tatqirhiutinik angmaqtirmata, takuligtugut takuinnaqtut ihumaliurutauyut nuiyuq uumanga inmikkuuqtuq Hiknaqti havaangit hapkuallu ihumaliurutauyut naunaiqtait pittaarninngit aadlamik qinirhiayakhaat talvanga angmaqtiruptigu Atuqtunik Hiknaqti pinahuarut. Una titiraqhimaninnga una Ukiuq Tamaat Unniutjutinik aadlanut uqaqtait naunaitkutingit havakvikput katitiriyait uumanga inmikkuuqtuq Hiknaqti titiqqangit, unalu nuiliqtuqlu ihumaliurutauyut naunaiqtavut.

INMIKKUUQTUQ HIKNAQTI – NAUNAITTUMIK PIKSA HIVULLIQPAAVUT 6NGUYUT TATQIRHIUTINIK

NAITTUQ UKUNANIK INMIKKUUQTUQ HIKNAQTI TITIQQAT

Havakvikput angmaqtait 41 inmikkuuqtuq Hiknaqti titiqqat uumani Apitiliviani 30, 2015 uumanilu Qiqaiyarviani 31, 2016. Hapkunait, 24 (58pusantnguyut ilauyut angutit unalu 17 (42pusantnguyut ilauyut arnait. 18nguyut titiqqat (44pusantnguyut piyut Iqalungmi, 15 (36pusantnguyut aadlanu Nunavut nunallaangit unalu 8 (20pusantnguyut ilauyut inulramiit Nunavummiut ittut hilataanit nunavunmit.

Akhuurutauyut naunairiami tahapkuanit 41 titiqqat, havaktivut ihumagiut 6nguyut kataktut hilataanut uuma Uqaqtikhaanik ayuittiaqtuq. Apirhuut ikayuutikhamut pigaangamitku havakvikmut, havaktut piliuqtukhaq hivulliqpaami akhuurniq piqarupta ayuittiaqtuq ilaugiami titiraqhimayumi RCY Maliganga. Tamna piyaa qayagittiaqtumik naunaiyaiyuq tamarmik titiqqangit ukununnga akhuurutauyut hunavaluit naunaiqhimayut uumani Maligaq. Huuq titiraq katakniaqtuq hilataanut Havakviumit ilaliutyut, kihimi kikliqangittut talvunga,

ukiunga ikayuqtauyumayup qanuriliurutingaluuniit ilauyuq aadlanut hiamitiqtakhaungittut ilamiknik qanuriliurutauyut piqangittumik kavamatkunnit ilauniq.

PIKSANGA 3: TUNIQHAINIQ INMIKKUUQTUQ HIKNAQTI TITIQQAT

IQALUIT



NUNALLAANGIT



HILATAANIT NUNAVUT



 = PIQANGITAMIINGITTUQ

AADLANUT IKAYUQTAUTIKHANGIT

Havakvikput tunngahuktittiyut kinaliqaak ihumaaluktut uuminnga nutaraqmut inulramimulluuniit piyuq, piyukhaqluuniit, GN ikayuutinginnit uqaqtigiami havakvikput. Aadlanut ikayuqtautikhat piyut uumanga nutaramit inulramiingillu, kihimi ilamiknitlu, munaqtinginnillu, Nunavut Kavamanga ikayuqtiuyut tuniqhaiyut, ihumaaluktullu inuit.

2015mit 2016mut kavamatkunnit ikayuqtiuyut tuniqhaiyut piliuqtut amigaitqiaq aadlanut ikayuqtauyukhanik havakviptiknut- piyuq amigaitqiamut pingahunik tamainnit aadlanut ikayuqtauyakhanit (39pusantnguyut. Piyuq havaktakhaptiknut ublumimut, naunaiqtugut tamna ikayuqtiuyut tuniqhaiyut (ukunatitut munarhitkut, taaktit, sikuurviup atan'nguyangit, sikuuqtittiit, ulaasiliqitkut, Ihumamitigut Aaniarutilgit havaktingit) mihigivaktut ikayuqtaulluungittut havaamikni. Ilaa, naunaiqtavut amigaittut piyait ayurhauingit inmikmik naunaiyarahuaaanga qanuriliurutinga ikayuutinginnik piinarialik inulramiitut ikayuqtauyumayut. Ayurhauingit ilaupkaqtait akhuurutingit aadlanut ikayuqtautiluliraangat ayurhauingilluuniit

pinahuarahuaqhutigit ikayuutikhamik aadlanit GN-kunni havakvinganit. Una kingulliqaami pipkaidjutiyuq ikayuqtiuyut tuniqhaiyut naunairiami ihumaalutingit uuminnga qanurittaakhaa munariniq inulramiitut Nunavummiut piyanginnik.

Havakvikput akhuuquyait ikayuqtiuyut tuniqhaiyut uqarhimmaaqtukhaq hunavaluknik ayurhaqtittiyuq nutaqqangit inulramiingillu naunaiqtakhaptiknut. Iilitariyavut quviagiyaqullu aadlatqiiktut ihumagiyangit piqaqtut inuuhinginnut nutaqqat inulramiingillu iilitariyavut ayurhautingit inmiknik atuqtait havaariyamiknit.


Tuglia-angitqiaq qanuriliurut aadlanut ikayuqtiuyut 2015mit 2016mut ilangit (32pusantnguyut. Maamauyut, paapauyut, angayuqqaangit aadlatlu ilangit tamaita havaktut havakviptiknut ihuarhinahuariami ayurhautingit kavamatkunnut ikayuutinginnit. Amigaittut ninngaktut kiunginmannik kavamatkunnit qaiyullu havakviptiknut inminik pinahuarutinga pigiamikni ikayuutikhamik

nakuungittumik pikmat. Amigaittut uqaqatigiyaatigullu ihumaalutinginnik piqalluanguinmat uqaqatigiikniqmik talvanngalu piyakhanganik, ilangit utaqqipkaiyuq naunaitkutanik takuyaqtuutikhanginniklu pingittuq.

10pusantngainnaq aadlanut ikayuutihag qaiyuq nutaqqanit inulramiingillu. Naunaittuq, aadlanit ikayuutikhaq inulramiinit piyuq talvannga atauhiyuq Hiknaqti Ayugituq pikmat inulramiingillu ihuaqtut tuhaqtipkainiq pulaaqtuqluuniit Nunallaamik.

Nutaat qangarnitalluuniit munaqtiuyut angayuqqaat inirniillu ilagingitaat nutaraqmut inulramiimulluuniit (unalu Uqaqtikhaanik) kingulliqaanguyuq malruuk aadlanut ikayuutikhaq naunaiqtut 2015mit 2016mut -inminik piliuqtuq 12pusantmik unalu 7pusantmik uumannga Havakvikput atauttimut aadlanit ikayuutikhat.

PIKSANGA 4: AADLANIT IKAYUUTIKHAT KITKUUYAAKHAANIT



HAVAANGIT KAVAMATKUNNIT HAVAKVINGIT HAVAANGILLU QANURITTUQ

Amigaittut GN havakvingit tuniyuq pinahuarutingit unalu ikayuutinginnit nutaqqanut inulramiingillu. Kihimi, havakvingit Munarhiliriyiitkut, Ilinniaqtuliriyiitkut, Inuuliriyiitkut Maligaliriyiitkullu tunigiami angiyuq kitut kavamatkunnit ikayuutinginnit Nunavunmi. 35nguyunit havaangit 4 ihivriuqtavut 2015mit 2016mut, 22 havaangit, (63pusantnguyut, piyuq uumunnga ihumaaluut ilaunginnait avalittut kavamatkunnit havakvingit. Uumannga, Inuuliriyiitkut Ikayuutinginnit avaliittuq havakvik ilauyut 15 havaangit tamaitalu hapkuat havaangit piyut nutaraqmut hapummiutinik ihumaalutingit. Munarhiliriyiitkut ilauyut inmikkut hitamanik havaangit unalu amigainnnga ihumaalutigiyauyuq Ihumamitigut Aaniarutilgit ikayuutinginnit. Ilinniaqtuliriyiitkut inmikkut ilauyut malruuknik havaangit tamarmiklu piyut ilihaqtunut

ikayuutikhaq. Maligaliriyiitkut inmikkut ilauyut atauhiqmut havaamut.

Aadlat 13 havaangit (37pusantnguyut ihivriuqtavut 2015mit 2016mut ilauyut nutaqqangit unalu/ unaluuniit inulramiingillu ayurnatqiyauyumik ihariaginngit unalu, talvuuna, ilauyut amigaittut havakviit. Talvangaanit tahapkuat 13 amigaittut-havakviit havaangit ihivriuqtauyut, atauhiq ilauyut Havakviingit Munarhiliriyiitkut Ilinniaqtuliriyiitkullu, atauhiq ilauyut Inuuliriyiitkut Ikayuutinginnit unalu Nunavut Igluliriyiiryuakkut, aadlattaq ilaupkaqtait Havakvingit Ilinniaqtuliriyiitkut Kavamaliriyiitkut, 6nguyut ilauyut tamarmik Inuuliriyiitkut Ikayuutinginnit unalu Munarhiliriyiitkut ilakungitlu hitamauyut ilauyut Munarhiliriyiitkut Ilinniaqtuliriyiitkullu, Inuuliriyiitkut Maligaliriyiitkullu.

PIKSANGA 5: HAVAANGIT ILAUYUT AVALIITTUT KAVAMATKUNNI HAVAKVINGIT



4 6nguyut talvanganit titiqqat unguvaqtauyut ihivriurliraangamik havaangit havakviitigut unalu havaangit qanurittuniklu kavamatkunnit havaat.

HIVULLIQPAAVUT 6NGUYUT TATQIRHIUTINIK – NUULIQTUQ IHUMALIURUTAUYUT UUMANNGA INMIKKUUQTUQ HIKNAQTI HAVAANGIT

Ukunuuna havakvikput angmangitaa Atuqtunik Hiknaqti pinahuarut 2015mit 2016mut, naunaiyaligtavut ihumaliurutauyut ukunannga inmikkuuqtuq Hiknaqti havaangit. Naunaiyainiq hapkuat ihumaliurutauyut ikayurniaqtaa naunaiipkarlugit naunaiyarlugulu havakvikput hivuniqmi Atuqtunik havaaq. Qiniqtuq iniqaptiknik hivulliqpaanga 6nik tatqirhiutinik tunigiami inmikkuuqtuq Hiknaqti ikayuutikhamik, takutaaqtavut pingahut naunaittut ihumaliurutauyut nuuliqtuq.

Hivulliqpaanga qanuriliurutinga naunaiqtavut havaaptiknit 2015mit 2016mut tamna GN ilihaidjutingit ikayuutingillu ihuangittumik ikayuqtut ilanginnut, talvuuna, piyuq, ayurhautipkaiyaa ilanginnut ikayuriami nutaqqangit. Tuglianga qanuriliurutinga tamna kavamatkunnit ikayuqtuyut tuniqhaiyut pingittut uqariami nutaqqangit inulramiingillu uuminnga ihumaliurutingit ayurhaqtitait. Pingahuanik, piinaqmat tamaat kavamatkunnit ikayuqtuyut tuniqhaiyut unalu/ unaluuniit havakvingit havaktut, ihuangittumiklu ihuarhingitait ikayuutinginnit.

NUULIQTUT QANURILIURUTIT: PIQALLUANGINMAT PINAHUARUTINGIT UNALU IKAYUUTINGINNIT IKAYURIAMI ILANGINNIK

Havakvikput pitquyayuyut naunairiami GN-kut ikayuutingit hapummiutiyaillu ihumagiyayuyut piimayangillu nutaqqat inulramiingillu. Kitut amigaittut inungnik ihumagilimaitait tamarmik RCY Maliganga unalu CRC ilitariyait ikayuriami nutaraq ihumaqhutingit, kavamatkut ikayuqtakhaillu ilanginnik.

RCY Maliganga uqaqtaa tamna Uqaqtikhaanik havaalik pihimagiami kavamatkunnit kiuttaaqtuq tunigiami ihariagiyangit ikayuutikhat unalu ikayuutinginnit nutaqqanut inulramiingillu. Kihimi, Havakvikput havaariyakhaa una havaaq pimmariktumik pitillugu malruungit Maligaup akhuurutauyuyut maligangit:

- 1) ilanginnik hivulliqpaanguyuyut munarinikhaq naunaiyaiyakhamullu nutaqqanut inulramiingillu unalu
- 2) Pittaarumi, Havakvikput havaariyakharaluangit havaangit taimaatut ikayuutauyuyut hakugiktaiyuyut ilanginnut piqatigiikninnganut. Tamna CRC aadlamik

naunaiyaqtait munarininnga kavamatkut piqaqtuq ukununnga ilanginnik, angayuqqangit munaqtingillu. Titiraqhimaninngit 18 unalu 27 uumani CRC uqaqtaa kavamatkut qanuriliurutikhat pittaaqtangit ikayuriami angayuqqangit unalu ilanginnik pigiamiknik munariyakhangit nutaqaup aaniqtailininnga, angikliyuumiutinga piliurninngalu. Unalu, ihuatqiamiklu ilitariyait una ilaliutiyaait uqariyaqhimayumik tunigiami pinahuarutingit unalu ikayuutinginnit inirninut munariyut nutaqqanut.

Atauhiyuyut pilluaqhimayuyut ihumaliurutauyut qun'ngiaqtavut hivulliqpaami inmikkuuqtuq Hiknaqti havaangit 2015mit 2016mut piqalluanguinmat – ihariagiyuqulu – pinahuarutingit unalu ikayuutinginnit nakuuyumik ikayuriami ilanginnik. Ilauyut ukununnga Inuit Qaujimagatuqangit Katimajit naunaiqtaalu ihariagininnu amigaittunik angayuqqaangulihaanut ayuirhainiq ihuagutit ilagiiktullu ikayuutingit katimaqatigiliraptigik Tattiaqnaqviani 2015mi.

Amigaittut ilanginnik Nunavunmi atuqtut pihimmaaqtunnik akhuurutauyut taimaa iluani ilanginnik pilaqutingit nuniqniqmut. Ayurhauzinga nuutiqinnga, piqalluanguittuq akhuurninngani, akhuuquyayuyut nuutiqtauniq nunallaanut, ahinunngaqtayuyut mikkautillugit sikuuriaqtitayuyut, ahiruqinnga hakuiqinngalu ukunanik qangaraaluktinganik qanurittaakhaanik inuungmiutarniqmut, ihuarhainiqmut ilihainiqmullu mihikhimmaarutauyut ublumi.⁵ Talvuuna, piqaqtuq hakugiktummik ihariagininnu Nunavunmi pigiami ilamiknut-ihumagilluaqtayuyut ihuagutit, ilitariyut ikayuqtuq ilamiknik nakurudjutingit akhuurutauyuyut ikayuqtut nakurudjutingit nutaqqat inulramiingillu.

Taimaa piqaqtilluni ilanganik nakuuyumik pinahuarutingit unalu ikayuutinginnit ikayuriami ilanginnik Nunavunmi, piqarninnga hapkuat ikayuutinginnit nakuungittut ihuangittulluuniit tamainni nunallaangit.

Piqaqtumik ilamiknut ikayuutingit, ukunatitut ayuirhainiq angayuqqaangulihaaqtunut aanniaqnaittumiklu inuuhiq pinahuarutingit, Ihumamitigut Aaniarutilgit inungnullu ikayuutingit, ipiraillailaqtitut mamihainiq ilagiiktullu-nakuuyuyut hulilukaarutit tamaita ihariagiyuyut. Unalu, piqalluanguinmat talvannga piyakhat ikayuutikhamik ikayuqtuyuyut tuniqhaiyut ilauyuyut ilanginnik ukunanut ihuagutit ilaani ilaliutiyaait ayurhauzingit. Taimaa hapkuat ikayuutingit ihuangittuq piqangittutluuniit naunaitpiarumik ayurhauzingit nakuuyunut ayurhautitayuyunut ilanginnik. Ilanginnut ikayuutikhamik ihumaalutingit piyuq piqaqtumut piinariaaqhimayumullu ukunanik pinahuarutingit unalu ikayuutinginnit tamaita Atuqtunik ihumaalutingit RCY Havakvikput naunaiqtait naunaiyarniaqtaillu.

5 NTI. Qanurittaakhaanik Inuit Nutaqqangit inulramiingillu Nunavunmi: 2010-2011 Ukiuq Tamaat Unniutjutinik Iilitariyayuyumit Inuit Pitquhingit Inungillu. makpiraangani 5-6.

HAVAAMUT UUKTUUTINGIT Piqalluanguinmat Pinahuarutingit unalu Ikayuutinginnit ikayuriami Ilanginnik

Ihumaalutigiyauyuq inmikkuuqtuq pipkaidjutiyuq Havakvikmut naunaiyainiq ihumaalukmata nutaraup aaniaqtailininnganik aaniaqtailininnganiklu. Tamna inmikkuuqtuq qun'ngiaqtait naunaitkutut angayuqqaat ikhinnainnaqhugit ningaqhugillu pimmarluknik piyuq aangayaarnainnaqumit. Tamna havaamut tuniyauyuq atauhiqmut Nutaqat Inulramiitlu Hiknaqti Ayugituq ihivriuqtakhaanik.

Tamna Hiknaqti Ayugituq ihivriuqtait ayuiqtaillu ihuaqtut kavamatkunnit ikayuqtiuyut tuniqhaiyut havaqatigiyait ilanginnut. Tamarmik angayuqqangit piliqtut uqaqatigiiktumik ikayuqtauyut ihuarhigiamikni ipiraillailaqtijut ihumaalutingit. Mamianaugaluq, kihimi, una ikayuutikhamik piqalluanguinmat ikayuriami angayuqqangit hakuiqtitait pipkaidjutiyuq ihumaalutingit piyuq ipiraillailaqtijutinginnut. Ikayuqtinga talvannga piyakhat uumunnga ilanginnut piqalluanguinmat. Hapkuat ihuarhaqhimaittut ipiraillailaqtijutingit piliuqtuq nagliknaqtunik pipkaidjutiyuq nutaramut. Talvuuna pihimmaaqtuq ihuangittuq iglumini, tamna nutaraq ilauyuq angikliyuumiliqtuq qayangnaqtumik piliqhuni.

Tamna angayuqqangit tuniyauyut ihumaliurutikhanik ihuarhigiami nutaraup inuuhinga ihumaalutingit kihimi talvannga piyakhat munarilugillu ilangit havaangit piqalluanguinmat. Talvuuna, nutaraup inuuhinga piyuq ayurhautimik. Tamna Hiknaqti Ayugituq ilauyut akhuuquyait nutaraup munariniqmut havaktingit ihuarhariami naunaiyainiqmut nutaramut. Tamna naunaiyainiq ihumagiyait tamna nutaraq atiliurhimayukhaugaluq uumani mamihainiq pinahuarut hilataanit nunavunmit. Angiqqat angayuqqangit, tamna nutaraq iliuraqtauyuq ihuaqtumut munariyakhaanik, atiliurhimayuk uumani mamihainiq pinahuarut talvanngaanit ihuarhaqhimaayuq.

Amihunik aaniangittumik ilanginnut ikayuutingit, talvannga piyakhat munariniqlu, ihariaginnga hilataanit nunavunmit mamihainiq munaqtikhamullu iliurainiq pittailiniaqtuugaluaq. Piyuq hakugiktunik ikayuutingit ilanginnik ikikliyuumiqtaaqtaa qaffinik ayurhauitingit piyut ihuarhaqhugit ihumaalutingit qilaminnuaq qanuqtutlu ayurhautipkaiyaanik.

NUILIQTUT QANURILIURUTIT: TUHAAYAITING IHUMAGIYUQ INULRAMIIT IHUMAGIYANGINNIK

Aadlattaup nuiliqtut qanuriliurutit qun'ngiaqtavut havakviptikni 2015mit 2016mut taimaa kavamatkunni havakvingit unalu ikayuqtiuyut tuniqhaiyut piqalluanguittumik qinirhiayut ihumagiyuq tautuktaminik nutaqqangit inulramiingillu ikayuqtamiknik.

Titiraqhimaayumi *CRC*, kavamatkut angiqut, taimaa inirniit ihumaliuliraangata ayurhaqtitait nutaqqangit inulramiingillu, inulramiit piqaqtaa pilaarutingit uqariami humik ihumagiyamiknik tamnalun inirniit ihumagiyakhait qanuqtut ihumagiyanginnik. Una ingittuq inirniit angiqtukhat malikluguluuniit nutarup ihumagiyamiknik. Kihimi, inirniit unalu kavamatkut munariyakhangit ihumagiamikni nutaraup ihumagiyanganik atauttimut tamainnik aadlat ihuaqtut qanurittaakhaanik. Una uqariiyaqtangit pimmariktumik piyakhaq tautuktaminik nutarap takunnaqtuq Titirarhimaninga Angirutiup 12 *CRC-mit*.

Mamianaugaluq, havaangit havaktavut ublumimut, GN havakvingit unalu ikayuqtiuyut tuniqhaiyut pingittuq hapummigiami atuliqtitaugiamilu una pilaarutinga. Ilaani ikayuqtiuyut tuniqhaiyut ilihimanginnamitku una pilaarutingit munariyakhangit ikayuriami. Ilaani, ikayuqtiuyut tuniqhaiyut ulapiqutipluni ihumaginiaqtuq nutaraq mikkauvallaarmat apirigiami ihumagiyanganik. Unalluaq, ikayuqtiuyut tuniqhaiyut havaaqaqpiactut ihumagiyait ilihimayut ihuaqpiactut havaakhanganik, unalu, qilamiuriamiknik, piluni uqaqhimaittumik nutaramut.

Humaangittuq huuq piyuq, pittailiniq una akhuurutauyuq pilaarutingit pipkaidjutittaaqtait inirniit ilitangittuq aadlatqiittuq qanuriliurutingit tamarmik nutaraq. Ahiruqtaillu tamaita inulramiup pilaarutingit ilaugiami ihumaliuqtunik ayurhautipkaiyaanik. Unalu, inirniit ihumaliurumik uuminnga nutaraq qinirhiahimaittumik inuup qanuqtut ihumagiyamiknik, pinahuangitaanga naunaitkutaq atauhiyuq piqalluanguittuq akhuurninnganik.

Havakvikput akhuuqtaat tamna pilaarutingit tuhaqtauyukhaq pingittuq nutarap ukiunganit. Ayuuttiaqtumik apirhuqniq pipkaidjutittaaqtuq ilihimayumik ihumagiyanginnik mikkannuanitlu nutaqqangit taimaa qayagikmata avatinganik unalu inungnik atuinnaqtaminikluu inuuhingani. Unalu, tamaita nutaqqangit pivagait aktikkulaanga aadlanut uqariami qanuqtut ihumagiyangit aadlatqiini akinganik, piyuq uumunnga amigaittut ihumaalutigiyauyut ukonatitut angayuqqaaminut naunaiyainiq, pitquhingit, unalu inuuhiqmut atuqtamiknik.

RCY-tkut Havakvingani, ikayuqtavut atuliqtavullu angikliyuumiqtuq aktikkulaanga tamaita Nutaqat Inulramiitlu havaqatigiyaavut. Ihivriunniq naunaiqtaa pipkaidjutigumik inulramiit ilauyukhat ihumaliuriami pipkaidjutiniaqtuq nakuutqiamut, ihuatqiamut ihumaliurniq aadlamullu pivallianiq hulilukaaqtunik, munariyut inuit. Taimaa kavamatkunnit ikayuqtiuyut tuniqhaiyut qiniqhiayut qanuqtut ihumagiyangit utaqqanit inulramiingillu pimmariktumik piyut ihumagiyauyut nutarap, ikayuutikhamiking angikliyuumirninnga piliurninngalu inulramiit Nunavummiut, ikayuqtuqlu piliuriami hakugitqiamik inungmiunniq.

HAVAAMUT UUKTUUTINGIT Tuhaayaiting ihumagiyuq Inulramiit Ihumagiyanginnik

Havakvikput piyuq naunaitkutaq tamna Inuuliriyiitkut Ikayuutinginnit ihariagiyuq piliuriami aadlamik munaqtiyukhaqmut ihuarhainiq inulramimut munariyauyuq Hivuliqhuqtimmit. Ilaupkangiylugu inulramiingillu, Havakvinga ihumaliuqtut nuutiffaaqlugu inulramiq nunallaamut.

Nutaqat Inulramiitlu Hiknaqti Ayugituq uqaqatigiyaait inulramiingillu uuminnga qanuriliurutinga naunaiqtullu inulramiingillu piqaqtuq ihumaalutunik uuminnga piundayangit nuutiqniq. Tamna Hiknaqti Ayugituq ihuarhiyuq katimaqatigilugit tamarmik inulramiingillu havakvik havaktingit talvani inulramiingillu ittut ihumagiyanginnik piundayanginnik ihumaliurut pitquyaillu himmautikhanginnik. Uqaruiqmata, tamaita ilauyut angiqut uumunnga inulramiup himmautikhaanut ihumaliurut.

Talvuuna Hiknaqti nutqaqtitaunahuarniq, una inulramiup pilaarutingit tuhaqtauyukhaq ikayuutauyuq ihuangittuqlu qayangnaqtuqlu iliurautinga pittailiyauyuq.

NULIQTUT QANURILIURUTIT: IHUANGITTUQ PIDJUTINGA MUNARININNGANIK

Inulramiit Nunavummiut piqaqtuq amigaittut ihumaqhutingit, unalu pilaarutingit ilihainiqmut, munarhiliriniqmut, qayangnaittumiklu ihuaqtumut inuuhininnganik. Hapkuat ihumaqhutingit ikayuqtauhimayukhaq iluittumik piluni pipkaigiami nutaraq angikliyuumiriami nakuuyumiklu pigiami. Pivallaaqpakmat inmikkuuqtuq Hiknaqti havaaq 2015mit 2016mut, havaktivut qun'ngiaqtait ayuuttiaqtut aadlatqiinik kavamatkunnit havakvingit ihumaliuqtut ihuarhaqhimaittumik akhuurninngit. Piqangittumik atuqtauyuq pidjutinga, kavamatkunnit ikayuutikhamik inilimaittuq, tuuliiqtuq, unalu, ilaani, ihuangittut taimaa akhuurutauyuq naunaitkutaq aadlanut uqaqtangit.

Ukunuuna inmikkuuqtuq Hiknaqti havaanga, takuyugut nakuungittumik pidjutinga ukunani ikayuqtiuyut tuniqhaiyut havaktut aadjikutaani havakvikmi piyuq pingittunut aadlanit ikayuutikhat, tuuliiqtut, ilaani ikayuutinginnit qin'ngiyauyut nutaqqanut ihariagiyut. Unalu, nakuungittumik pidjutinga uumani ikayuqtiuyut tuniqhaiyut aadlatqiinik havakviit ilaani pivaktut ayurhautinik havaanut tuuliqniqmullu unalu, talvani, nakuungittunik pipkaidjutiuyuq nutaqqanut inulramiingillu.

Naunaiqtavut nakuungittumik munariniq pidjutinga pivaktuq uuminnga piqalluanguinmat uqaqatigiikniq uumani ikayuqtiuyut tuniqhaiyut munariyukhat ikayuutikhamik nutaraqmut inulramiimulluunniit. Ukunuuna inmikkuuqtuq havaangit, ilaani qun'ngiaqpaktavut tamna ikayuqtiuyut tuniqhaiyut pihimangitaa angayuqqangit uqaqtaminik, inminiklu uqaqatigiingittut uuminnga nutaraup ihariagininnit unalu pittaarninnit ihuarhaidjutingit. Ilaani, ihumagilluaqtaat qilamiuqtumik ihariagiyuq, ihumagingittumik tuniluni ihumaliurniqmut aippaanut talvanna piyakhat hivuniqmilu nutarap unaluunniit inulramiingillu. Taamnalu, ihumaalutingit uuminnga pihimayuuq naunaitkutaq uuminnga nutaraqmut inulramiimulluunniit inmikkut hiamitiqtaungittumiklu pipkaidjutittaaqtuq ayurhautinik ukununnga ikayuqtiuyut tuniqhaiyut talking inmiknut uuminnga nutaraqmut inulramiimulluunniit talvunga aadlanut uqaqtait munarininnganik.

Ihuangittumik munariniqmut pidjutinga, Nunavut Kavamanga ikayungittaa ihumagiyauyut inulramiit Nunavummiut, ihumagiyuq ihumagiyauluarutauyut, pigumiluunniit nakuutqianik qanuriliurutikhanik inulramiipitknut.

HAVAAMUT UUKTUUTINGIT Piqalluangittut Pidjutinga Munariniqmut Havakvikmi


Nunavunmi, munariyuq kiguhiqiimit pilakhirniq unguhiktuq naunaittuq. Taimaa qanuriliurutingit ihariagiyaupkat, pingahut aadlatqiik ikayuutikhaq Munarhiliriyiitkut ilauiyut. Unalu, Aaniaqtailinirmut Kaanata pivaktuq havaanga⁶. Ikayuqtiuyut tuniqhaiyut tamainnit hitamauyunit ihariagiyuq uqaqatigiami inmikmut angayuqqaamullu munaqtinginnullu pigiami nutaraup ihariagininnit.

Atauiyuq havaangit 2015mit 2016mut ilauiyut mikkaq nutaraq uluriahugaapaktuq qaqqinik tatqirhiutinik utaqqitilluni kigutaiyariami. Tamna kiguhiqi ihumagiyuq pilakhiqtukhaq tamnalun nutaraq ihariagiyuq aullaqtitauyukhaq nunavunmit kigutaiyariamikni. Uumani havaamut, akhuraaluk akhuurutauyuq havaanga talvannga aadlanit ikayuutikhaq anritutikhamik mamihainiqmut nuuttuq qilaminnuaq. Kihimi, angiyumik ikaarniq qaangiqtuq taimaa nutaraup ilangit tunikmata hunamik uuminnga ihariagiyuq pilakhiqniq.

Nutaqat Inulramiitlu Hiknaqti Ayugituq tuniyaa havakvikmut atauttimuqhimayuq munariyuq tamainnut piyaxhangit havaami qanuriliurutauyuqlu ukununnga aadlanit ikayuutikhaq. Havakvikput naunaiqtut piittuq ikayuqtinga havaktuq hitamauyunik ikayuutikhanik piyuq munariniqmut talvannga piyaxhaq naunairiami apirhuutinga pilakhirutikhaanut piyuq hivumut. Ayuittiaqtut uqaqatigiiguknaiqhutik nutarap angayuqqaanginnulluuniit. Talvuuna, kitumut takuyaquyauyut tammaqtait talvuuna nutaraq iluraqtaungittuq utaqqiyumayummik pilakhiriami. Tamna pitillugu, tamna nutaraq uluriahukpiaqtuq imainnaqnik niuqqaqtitauyuq taimaa aaniarutiqaliqmat. Piqaqtumik nakuutqiamik munarininnganik, nutaraup naglikhaaqtittailimaittuugaluq unalu nutaraup pilaarutingit munarhitkunnut ikayuqtauniaqtuugaluq.

Hiknaqti Ayugituq havaktuq havakviup havakinginnut ihuarhigiami pilakhiqvikhamiknik. Talvangaanit, tamna nutaraq aullaqtuq talvanit pilakhiriaqturiaqmi.

⁶ Una havaamut uuktuutinga naunaiqtaa havaanga Inuinait nunaqaqqaarhimayunut pittaqtut kigutimiknik ikayuutikhanginnik titiraqhimayumi Akiliqhimaittumut Aaniaqtailiniqmut Ikayuutingit Pinahuarut.





HAVAAMUT UUKTUUTINGIT

Nakuungittut Pidjutinga Munariniqmut Havakviuyunit

Munaringitkumi ikayuutinginnit amihunit GN-kunnit havakvinginnit piqaqniaqtuq pilaqutit nutaraqmut inulramiingillu. Una naunaittiaqtuq inulramiingillu ilauyut uumani inulramiingillu ihuinaaqtut ihuarhaidjutimut.

Kaanatami, titiraqhimaninngani 19 uuma Inulramiit Ihuinaaqtut Ihuarhaidjutimut Maligaq (YCJA), nunallaami tupilauyat⁷ piinarialik havaamut katimalutik inulramiit ihuinaaqtut pigiami ayuittiaqtumik ikayuutikhamiknik. Una ikayuutikhamiknik talvangaanit naunaipkarlugit itiqtauvikhangit anitaupkaiyukhalluuniit. Hapkuat havaamut katimadjutingit ikayuutauyut taimaa inulramiq anipkaqtaunahuaq itiqtauvikmi piqangittuq nakuuyumik nayugakhaq ihuaqtumik ikayuutikhaq talvungaugiami kihimi ikayuqtinga talvungaqqat. Itiqtitaugiami inulramiinut ihuinaaqtunik imaatut ingittuq itiqtauniaqtut itiqtaungittumik ihuinaaffaaqtukhaungittuq.

Havakvikput havaktut inulramiimut piqangittuq itiqtaudjutikhamut ihumaliurut pipkaidjutigiyaq uqaqtaminik ayurhaqtaanik ihariagininnit. RCY-kut havaktingit ihuaqhaqtait havaamut katimadjutikhamik unalu havaktivut piyuq naunaiyainiqmik havaanga, ikayuqtuq katimadjutikhat ukunanit ulaasiliqit, Ihumamitigut Aaniarutilgit uqaqtatigiiktumik ikayuqtiuyut, itiqtauvikmi havaktut, Tupilauyap ikayuqtinga unalu ikayuqtinga uqariamiknik kitunik piyakhat piliurlunilu ihumaliurutimik tuniyakhaq apirhuqvikmut. Tamna inulramiingillu uqaqtauyuq nauairiami qanuqtut ihumagiyamiknik ihumaliurutauyuq.

Tamna uqaqtangit piyait tamaita ilanganit inulramiup munarininnga angikliyuumiriama inulramiup pittaarninngit piliuqtakhamut mikhilaaqlugulu pittaarninngit ihuinaaffaaqtunut piyut. Tamna ihumaliurut tuniyauyuq nunallaani tupilauyamut kingulliqpaami ilaliutihimayuq apirhuqtauyukhaq. Tamna inulramiingillu inuuhingit ihuaqtumi Mamihavinga unalu RCY-tkut Havakvingani piyuq taiguagakhat taimaa inulramiiq naamaktuq.

⁷ Ilangani 19 ihuarhaqtaaqtuq atauhiqmit hapkuat: apirhuqvikmi tupilauyamiit, qablunaat nunagiyanganit Hivuliqhuqti, nunallaani tupilauyainnit, apirhuivikmi ikayuqtinga uumangaluuniit inulramiingillu havaktinganit" [s.19(1)]

Atauhiuyuq nipiqtuqtuyuq
apirhuutingit
Kavamatkut
ikayuqtiutingillu

tuniqhaigumik nakuutqiamik ikayuriami nutaraup
pilaarutingit ilaugiami ihumaliurutimik. Havakniaqtugut
nutqarhimaittumik naunairiami GN-kut tuhaayangit
ihumagiyailu qanuqtut ihumagiyamiknik
ihumaalutiginniklu- inmikkut tamainnikluuniit.



QINIQTUQ HIVUMUT 2016MIT 2017MUT

Nuutiqtilluta 2016mit 2017mut, iliqtugut hivulliqpaaq iluittuq ukiuq tunigiami Hiknaqti ikayuutinginnit inulramiitut Nunavummiut ilangillu. Pilihaaqtugut mihigihimmaaqtumik akhuurutinganik ihumagiyamikniklu, pipkaidjutiyuq amigaittunit inulramiit ilangillu piyaqqut nan'ngariniq havaqatigiami.

Piliqtugullu naunaittumik ihumaginiq havaamut ihariagiuyuq hivuniqmi: akhuraaluk kangirhigiami inmikkuuqtuq Hiknaqti pinahuarut, ilihimayakhaanik qailiqtumut Atuqtunik ihumaliurutayut, ilitarninngalu ihariagiyanganik aadlamik hakugiqtiriami piqatigiikniq Nunavummiunut.

Amigaittut inungnik qaiyut havakviptiknut inmikkuuqtuq Hiknaqti ikayuutikhamiknik. Tamainnut inuknut, ilitariyavut ukpiriyanganik iliuraqhimayuyq havakviptiknut. Piyuittaqqut una ukpiriniq qayagihimaittumik ilitariyaqqullu havaavut angikliyuumiqhimmaaqtukhaq uumunnga ukpiriyaptiknut – tamarmikmut qangaraaluk ittutlu ikayuqtauyumayut, nutaat ikayuqtauyumayut tamaitalu nunallaangit.

Hivumuuqtumik, havakhimmaaqniaqtugut angmaqtiriami qitqani ikayuutinginnit ukunuuna ilanganik pipluni. Tunihimmaaqniaqtugut inmikkuuqtuq Hiknaqti ikayuutikhamik aadlamik piliuqtillugit Atuqtunik Hiknaqti pinahuarutit maligangit unalu qanuriliurutingit, naunaiyainiq hanalrutingit, nampaqarvingillu. Iniqtiqlugit una havaaq 2016mit 2017mut naunaiqniaqtaa naunaittumik angmaaqniaqtavut nakuuyumik Atuqtunik Hiknaqti pinahuarut uumani 2017-2018.

Piliurhimmaaqniaqtugut ilaqatigiikniq ukununnga amigaittut tigumiaqtuuqatauyut. Pihimaniaqtavut ikayuutinganik Nunavunmiunut tamainni nunaptikni. Havakniaqtugullu hakugiktigiami piqatigiikniq kavamatkunnut havakvingit unalu ikayuqtiuyut tuniqhaiyut. Ihumagiugut maligangit una *piliriqatigiinni*q ihariagiayuyuq pigiami ihuarnaidjutikhangit inulramiitut Nunavummiut.

Qakunguraangat, 2015mit 2016mut inulramiit Nunavummiut naunaiqtitaatigut amigaittunik piyakhavut naunairiami GN-kut ikayuutingit ihumaqhutinginnik. Uumunnga, uqaqatigihimmaaqniaqtavut GN-kut pimmariktumik pigiamikni tamaita nutaraq ihumaqhutingit. Atauhiuyuyq niqpiquqtutqiaq apiriyavut una kavamatkunnit ikayuqtiuyutlu tuniqhaiyut nakuuyumik ikayuriamiknik nutaraq pilaarutingit ilaugiami ihumaliuqtunik. Havakniaqtugut akhuraaluk naunairiami GN-kut tuhaayangit ihumagiyaillu ihumagiyangit ihumaalutingillu- inmikkut tamainnikluuniit.



TITIRAQHIMAYUT UQARAHUAT, AKHUURUTAUYUQ KATIMADJUTIKHAT UNALU NUNALLAANUT PULAARAHUAT

Pittaarumi, havakvikput katimaqatiginahuarniaqqait Nunavummiut takuyaqturlugit uqariamikni naunaitkutaq havakviptiknut naalagamilu ihumaalutigiyanginnik. Hamna ataani titiraqhimayuq ukuat RCY Havakvikput katimadjutikhangit, akhuurutauyuq katimadjutikhat unalu nunallaanut pulaarahuat 2015mit 2016mut.

- * Ottawa Inuit Nutaqqaup Nayugaat
- * Ministaup Tugliata Katimayiingit
- * Nutaqqaup Aaniarvinga Kivataanit Ontario
- * Nunavut Tunngavikkut
- * Munarhiliryiitkut Angayukhiuyuq Munaqtiuyut
- * Maligaliryiitkut Angayukhiuyuq Munaqtiuyut
- * Kanatami Katimayit Nutaqanik Inulramiqniklu Hiqnaqtit
- * Maligaliryiitkut Havaktut
- * Munarhiliryiitkut (Atayut Atan'nguyait Katimayit)
- * Inuuliryiitkut Ikayuutinginnit Angayukhiuyuq Munaqtiuyut
- * Ilinniaqtuliryiitkut Angayukhiuyuq Munaqtiuyut
- * Ukiuqtaqtumi Nutaqqangit inulramiingillu Tunngavinga
- * Inuuliryiitkut Ikayuutinginnit Havaktut
- * Havakvikput uumannga Tuqtuni Iltuqhaiyilluanga
- * Qikiqtani Inuit Katimayiingit
- * Inuit Qaujimagatuqangit Katimajit
- * Ukiumi Katimaryuaqniq Ilinniaqtuliryiit Katimayit Nunallaani Timiqutigiyangit
- * Nunallaani Apirhuviiikmi Ihuinaaqtunut Ikayuqtinga Havaktut
- * Iqaluit Nutaqanik munaqhivik agilragiyauyuq
- * Nunavut Igluliryiiryuakkut
- * Akausisarvik Ihumamitigut Aaniarutilgit Mamihaivinga
- * Iqaluit Northmart Inuit Qauyimayaagani Qun'ngiaqtittiniq
- * Iqaluit Arctic Ventures Inuit Qauyimayaagani Qun'ngiaqtittiniq
- * Isumaqsunngittukkuvik Inulramiit Ihuinaaqtut Iglugiyaat
- * Munarhiliryiitkut (Qaninngani Aaniaqtailiniq Ikayuqtiuyut tuniqhaiyut)
- * Sikuurviit, GN Ikayuqtiuyut tuniqhaiyut Nunallaallu - Kinngait
- * Sikuurviit, GN Ikayuqtiuyut tuniqhaiyut Nunallaallu - Sanirayaak
- * Sikuurviit, GN Ikayuqtiuyut tuniqhaiyut Nunallaallu - Iglulik
- * Sikuurviit, GN Ikayuqtiuyut tuniqhaiyut Nunallaallu - Urhuqtuuq
- * Sikuurviit, GN Ikayuqtiuyut tuniqhaiyut Nunallaallu - Kugaaruk



Uqaqtikhaanik, Sherry McNeil-Mulak unalu Christa Kunuk, Nutaqat Inulramiitlu Hiknaqti Ayugituq, pulaaqtut Sanirayaakmut.



Kaajuq Kablalik, Nutaqat Inulramiitlu Hiknaqti Ayugituq, tuniyuq naunaitkutaq inunginnut RCY-tkut Havakvingani situaami.



Colby O'Donnell, Nutaqat Inulramiitlu Hiknaqti Ayugituq, uqaqtut inulramiit. Havakvikput ikayuqpaqtuq Nunavunmi sikuurviinut.

MANINGIT TAIGUAGAKHAQ

Nutaqqanut Inulramirnullu Uqaqtikhaanik Havakvikput
Naittuq Naunaitkutaq Maniknik unalu Maniit Atuqtamiknik
Maniliurniqmut ukiunga Nunguyuq Qiqaiyarviani 31, 2016

	MANIK	MANIIT ATUQTAMIKNIK	PUSANTNGA ATAUTTİMUT MANINGANIK
Havaaqaqtut Akiliuhiangit	1,083,000	1,124,198	62%
Havakaffuktut Akingit	-	3,971	0%
Tingmidjutinga Taaksikkuurutingillu	185,000	45,984	3%
Tamayut Ihariagiyangillu	185,000	108,016	6%
Niuvrutihimayut Ikayuutinginnit	65,000	51,940	3%
Aulapkaidjutingit	15,000	-	0%
Kaantraktut Ikayuutinginnit	225,000	175,763	10%
Akingit Akiliuhinagillu	5,000	11,383	1%
Aadlat Maniit Atuqtamiknik	-	18,005	1%
Piqutingit	19,000	25,690	1%
Qaritauyat Qaritauyat aturutingit unalu qaritauyakkut maliktakhangit	20,000	5,280	0%
ATAUTTİMUT	\$1,802,000	1,570,230	87%
ILAKUNGA		231,770	13%